

四庫全書薈要·乾隆御覽本

集部

欽定四庫全書薈要

集部  
王右丞詩集卷四

詳校官助教臣常循



王右丞詩集卷四

唐王維撰

明顧起經注

律詩

禁省

奉和聖製賜史供奉曲江宴應制

侍從有鄒枚瓊筵就水開言陪栢梁讌新下一作建章

來對酒山河滿移舟草樹迴天文同麗日駐景惜行杯

漢書武帝賜嚴助書勞侍從之事西都賦言語侍從之  
臣謝靈運詩序梁孝王時有鄒枚嚴馬袁宏賦注瓊筵  
謂天子宴羣臣之席言瓊者珍美言之謝朓詩復酌瓊  
筵醴庾信詩就水更移牀前漢書春起栢梁臺注用栢  
頭梁作臺因名焉三輔故事云臺高二十丈用香栢為  
殿梁香聞十里在建章宮中史記武帝祀明堂以栢梁  
栽故受計甘泉勇之曰粵俗有火栽復起屋必以大用  
勝服之於是作建章宮度為千門萬戶東則鳳闕西則  
虎圈北治漸室南有玉堂輦道相屬前漢書太初元年  
二月起建章宮沈約詩山河隔長路周易日月麗乎天  
賀凱詩天

文發丹篆

早朝

文苑英華劉校本與五古早朝詩共集題曰早朝二首

柳暗百花明春深五鳳城城烏

一作鷄

睥睨曉宮井轆轤

聲方朔金門侍

一作召

班姬玉輦迎仍聞遣方士東海訪

蓬瀛

左傳城上有烏師其遁古樂府城上烏尾畢逋釋名城上垣謂曰睥睨言于其孔中睥睨非常也亦

曰睥睨睥也言睥助城之高也崔豹古今注城上小牆

又名睥睨博雅睥睨女牆蓋女牆開箭眼以窺望城下

因以為名左傳注睥睨城上僻倪也前漢書北宮井水溢

出西征記太極殿上有金井郭璞井賦鼓轆轤韻會梳

櫪井上汲水木廣韻作轆轤圓轉也吳筠詩唯聞啞啞

城上烏玉欄金井牽轆轤史記齊人有東方生名朔辟

世金馬門飛錄黃門有東京所獻銅馬故號其門為金

馬又言武帝得宛馬鑄象立此門漢書成帝游于後宮

常欲與班婕妤同輦載婕妤辭曰妾聞六尺之與與賢

者同載不聞嬖妾同車帝乃止漢書輦因秦以雕玉為

之方徑六尺臧榮緒晉書玉輦大輦也玉飾輦也唐書  
六曰大玉輦七曰小玉輦籍田賦天子御玉輦丘遲詩  
輕美承玉輦列子渤海之東其中有五山焉四曰瀛州  
五曰蓬萊史記天子遣方士入海求蓬萊安期生之屬  
而海上燕齊怪迂之士多更來言  
神事矣劉孝綽詩及爾安蓬瀛

### 聽宮鶯

春樹遶宮牆春鶯轉曙光

文苑英華作宮鶯次第翔

忽驚啼暫斷移

處弄還長隱葉棲承露攀花出未央遊人未應返為此

思故鄉

史記武帝作承露仙人掌之屬注仙人以手掌擎盤承甘露也三輔故事建章宮承露盤高三

十丈大七圍以銅為之上有仙人掌承露和玉屑飲之三輔黃圖承露盤有銅仙人舒手掌捧銅盤玉杯以承

雲表之露長安志咸陽古跡圖漢承露臺在秦磁石門  
內西都賦抗仙掌以承露漢書未央宮高祖七年蕭何  
造西京雜記未央宮周迴二十二里九十五步五尺街  
道周迴七十里臺殿四十三其三十二在外其十一在  
後宮池十三山六池一山一亦在後宮門闥凡九十五  
張衡賦正紫宮于未央史記高帝紀遊子思故鄉沈約  
詩畱人未應去  
為此還故鄉

### 同崔員外秋宵寓直

文苑英華作和崔員外詩崔  
即崔渙也或云崔國輔國輔

乃儲光羲同年進士也岑參集有送崔員外入奏  
因訪故園綦母潛集有送崔員外黔中監選或即  
其人也資暇錄常見直宿公署或云寓直案字書  
寓寄也寓直二字出於潘岳之為武賁中郎將晉  
朝未有將校省  
故寄直散騎省

建禮高秋夜承明候曉過九門寒漏徹萬井曙鐘多月

迴藏珠斗雲消

一作開

出絳河更慚衰朽質南陌共鳴珂

漢書職典尚書郎晝夜更直宿于建禮門內晉書後漢尚書郎直宿于建禮門奏事明光殿下筆為詔誥出語為誥令在唐則中書舍人也漢官儀宮北朱雀門內有建禮門晉宮闕名曰洛陽城有承明門承明廡在石渠闕右周禮天子有九門法陽九之義宮門有五法五行外門有四法四時合為九門一曰闕門二曰遠郊門三曰近郊門四曰園門五曰皋門六曰庫門七曰雉門八曰應門九曰路門皆從外而數故月令云天子九門磔禳也周禮方百里為一同積萬井其中漢書刑法志提封萬井漢志五星如連珠援神契黃河上應絳河白氏帖天津絳河明河均謂之天河庾信詩絳河應遠別兩雅翼貝大者珂黃黑色其骨白可以飾馬通俗文勒飾



曰珂通典鵬入海化為玳可為馬勒為之珂隋禮儀志  
馬珂三品以下九子四品七子五品五子謝靈運詩鳴  
珂徒  
晞髮

### 和尹諫議史館山池

文苑英華宋本並作伊諫議  
非唐書帝紀開元二十五年

道士尹愔為諫議大夫集賢院學士並知史館事  
按尹愔傳愔秦州天水人初為道士玄宗尚玄言  
有薦愔者召對喜甚厚禮之拜諫議大夫集賢院  
學士兼修國史開元末卒贈左散騎常侍唐孫逖  
集授尹諫議制云道士尹愔識洞微妙心遊澹泊  
祇服玄言弘敷聖教雖渾濟萬物獨詣於清真而  
博通九流兼達於儒墨宜居納誨之職仍存記言  
之地可朝請大夫守諫議大夫集賢院學士兼知  
史館事通志唐西內史館在門下省北  
貞觀三年置又東內史館在弘文館東

雲一作館接天居霓裳侍玉除春池百子外芳樹萬年

餘洞有仙人籙山藏太史書君恩深漢帝且莫上空一作

雲虛雲館即太玄觀崇玄館也長安志兩京道里記唐置太玄觀于驪山下以宮牆逼近乃令諫議大夫

道士尹惜徙之今在宮北一里又天寶中明皇命惜為

崇玄館學士值祿山兵亂館宇寔廢按太玄崇玄俱在

禁內故曰接天居云吳都賦虹霓圍帶于雲館迷征賦

皇家赫而天居鮑昭詩層閣翬天居楚辭青雲衣兮白

霓裳西都賦玉除彤庭說文除殿階也曹植詩疑霜依

玉除西京雜記戚夫人侍兒賈佩蘭說宮中常以七月

七日臨百子池作于闐樂雍錄謝元暉詩曰風動萬年

枝李善曰晉宮闕名曰華林園有萬年木十四株然竟

不著其物色種類因何而名萬年也西京雜記武帝初

修上林苑羣臣遠方各獻異木亦有製為美名以標奇

麗中有千年長生木十株萬年長生木十株此即元暉  
所引萬年之枝也邪泊宅編徽宗時命題以試畫者曰  
萬年枝上太平雀試者皆不知問諸中官應之曰萬年  
枝冬青木也太平雀類伽鳥也以其名思之其類必為  
冬青無疑矣相如賦云豫章正女木長十仞大連抱冬  
夏長青未嘗彫落若有正節故以為名則直以豫章為  
正女木也木之更冬不彫者多有之矣松栢栝檜杉櫟  
桂楠未嘗改柯易葉若以命之為萬年千年無不可者  
特不知果為何木耳復齋漫錄上官儀詠雪詩幸因千  
里應還統萬年枝謝玄暉中書省詩風動萬年枝晏元  
獻詩萬年枝上凝煙動百子池邊瑞日長盧多遜詩太  
液池邊月上時好風吹動萬年枝王維史館山池云春  
池百子外芳樹萬年餘晏用此也萬年枝江左人謂之  
冬青惟禁中則否百子池見西京雜記丹鉛餘錄萬年  
枝以為冬青非也草木疏櫟木枝葉可愛二月花白子  
如杏今官園種之取億萬之義改名萬歲樹即此也天

台山記靈帝光和二年老子降于天台山授仙人葛玄靈寶大洞三籙紫陽真人內傳王屋山上魏君太素傳左乙混沌東蒙之籙司馬遷報任少卿書僕誠已著此書藏之名山太史公自序成一家言藏之名山按尹惜傳云惜通老子玄宗尚玄言故公以賈生比惜漢帝比玄宗蓋諷之也按史記賈生徵見漢文帝方受廡宣室上因感鬼神事而問鬼神之本賈生因具道所以然之狀至夜半文帝前席既罷上曰吾久不見賈生自謂勝之今見不如也

### 宗戚

從岐王過楊氏別業應教

唐書惠文太子範睿宗第四子也睿宗踐祚進

封岐王又加實封五百戶拜太常卿兼左羽林大將軍遷太子太傅範好學工書雅愛文章之士又

多聚書畫古跡為時所稱  
贈惠文太子陪葬橋陵

揚子談經所

一作處

淮王載酒過興闌啼鳥換

一作緩

坐久

落花多逕轉迴銀燭林開散玉珂嚴城時未啓前路擁

笙歌

漢書淮南王安為人好書招致賓客方術之士數千人揚雄傳雄家素貧者酒人希至其門時有好

事者載酒殺從游學首二句蓋以揚雄比楊氏以淮王比岐王而談經載酒又專借子雲事語之雲漢友議劉

禹錫嘗對花木則吟王右丞詩云興闌啼鳥換坐久落花多艇齋詩話前人詩言落花有思致者三王維興闌

啼鳥換坐久落花多李嘉祐細雨濕衣看不見閒花落地聽無聲荆公細數落花應坐久緩尋芳草得歸遲樂

府詩集近代曲辭內亦取公前四句詩題曰崑崙子云揚子譚經去淮王載酒過醉來題鳥喚坐久落花多但

去喚醉來等字句稍異耳抱朴子人君恐姦壘之不虞故嚴城以備之沈約齊王碑嚴城于馬早閣禮記十日而成笙歌鮑昭詩笙歌待明發

從岐王夜讌衛家山池應教

座客香貂滿宮娃綺幔張澗花輕粉色山月少燈光積

翠紗牕暗

一作透

飛泉繡戶涼還將歌舞出歸路莫愁長

晉書上以何戢領選加戢常侍褚淵曰臣與王儉既左珥若復加戢則八座遂有三貂方言娃美也吳楚衝淮之間曰娃娃風俗通楚人謂美色為娃吳地記華山東二里有館娃宮梁孝元帝詩輕花亂粉色陸機詩飛泉漱

玉鳴

奉和楊駙馬六郎秋夜即事

唐書諸公主列傳大華公主貞順皇后所

生下嫁楊錡堯天寶時長安志萬春公主宅在光福坊注明皇女降楊錡又大業坊太平女冠觀西有駙馬楊慎交山池及長興坊東北隅侍中駙馬都尉楊師道宅或又名師道者未知孰是按錢起集有過楊駙馬亭子詩即其地也漢書駙馬都尉掌駙馬魏晉之後尚公主皆拜駙馬都尉初駙馬都尉漢武置也舊唐書駙馬都尉散官駙馬自近代以來唯尚公主者授之

高樓月似霜秋夜鬱金堂對坐彈盧女同看舞鳳凰少兒多送酒小玉更焚香結束平陽騎明朝入建章

郭中記石

虎造象牙桃枝扇或紫紺色或鬱金色按文昌雜錄唐宮中每行幸即以鬱金布地沈佺期詩盧家少婦鬱

金堂李商隱詩鬱金堂北畫樓東意當時有所謂鬱金堂耳或以鬱金然于堂中也庾信詩云然香鬱金屋梁武帝詩虛家蘭室桂為梁中有鬱金蘇合香本草鬱金苗似薑黃花白質紅實似小荳蔻說文鬱芳草也生大秦國二月三月有花狀如紅藍其花即香也樂志魏武帝宮人有盧女者故將軍應叔之姊也七歲入漢宮學鼓琴善為新聲漢書衛青傳衛媼次女少兒霍去病傳武帝衛皇后姊名少兒生去病漢紀去病者衛青姊少兒子也父霍仲孺為縣吏給事平陽公主家與少兒私通生去病宋書鮑令暉有代葛沙門妻郭小玉作二首史記大將軍衛青者平陽人也其父鄭季為吏給事平陽侯家與侯妾衛媼通生青青壯為侯家騎從平陽主建元二年春青姊子夫得入宮幸上皇后堂邑大長公主女也無子妬大長公主聞衛子夫幸有身妬之乃使人執囚青欲殺之其友騎郎公孫敖與壯士篡取之以故得不死上聞乃召青為建章監侍中擬古詩何為自



結束徐陵詩十五屬  
平陽因來入建章

過崔駙馬山池

舊唐書崔器拜駙馬都尉尚神堯館陶公主天寶六載為萬年尉踰

月拜監察御史中丞上元元年七月器病脚腫卒長安志靖安坊咸宜公主宅注玄宗女再降崔嵩一說此宅即其山池也錢起集有宴崔駙馬玉山別業詩意其山池在玉山耳

畫樓吹笛妓金埒

一作梳

酒家胡錦石稱貞女青松學大

夫脫貂貫桂醕

一作酌

射鴈與山厨聞道高陽會愚公谷

正愚

晉中興書帝舅王愷嘗置酒王導王敦俱往女妓吹笛俗說宋禕是石崇妓綠珠弟子有國色喜吹

笛晉書王濟移第北芒山下性豪侈時京洛地甚貴濟買地為埒編錢滿之時人謂之金溝初濟尚主主兩目

失明辛延年羽林詩依倚將軍勢調笑酒家胡拾遺記  
員嶠山東有雲石廣五百里駁落如錦水經注宿縣有  
貞女峽峽兩岸水際有石狀如女子是曰貞女父老相  
傳秦世有女數人取螺於此遇風雨昏晝而一女化為  
此石史記秦始皇上泰山立石封祠祀下風雨暴至休  
于樹下因封其樹為五大夫漢官儀秦始皇上封泰山  
逢疾風暴雨頽得抱樹為五大夫松泰山記小天門有  
秦時五大夫松見在張漢曰秦始皇封其樹為五大夫  
初不言其為何樹者後漢應劭始言於松蓋樹至劭時  
猶存故知其為松也五大夫蓋秦爵之第九級如曹參  
賜爵七大夫遷為五大夫是也後人不解遂指松之封  
大夫者五唐人有不羨五株封之句皆不考五字之過  
也晉書阮孚性既嗜酒嘗以金貂換酒為有司所彈史  
記漢高祖為泗上亭長常從王媪武負貰索隱曰鄒誕  
生黃廣雅云黃賒也說文云貰貸也說文醕菑酒也史  
記楚人有以弱弓微繳加歸鴈之上項襄王聞召而問

之對曰小臣之將射騏驎三輔黃圖云漢儀注欣飛繒  
繳以射鳧鴈給祭祀注見漢元帝紀張衡賦若有厨膳  
則有歸鴈鳴鸛古樂府我欲射鴈念子孤散張璠漢紀  
荀淑有八子居西豪里縣令苑康曰昔高陽氏有才子  
八人遂著其里為高陽里或云高陽會以習氏高陽池  
言之也但稱會者衆辭恐用荀陳德星事也韓非子齊  
威王入山問父老此何谷曰臣舊畜牛生犢以子買駒  
少年謂牛不生駒遂馳而去傍鄰以臣為愚遂名愚公  
谷劉向說苑齊桓公逐鹿入谷見一老翁問是何谷對  
曰謂愚公谷以臣名之桓公曰視公儀非愚人何為以  
愚公名之臣故畜犗牛生子大而買駒少年曰牛不能  
生馬遂持駒去傍鄰以臣為愚故名愚公菟園賦是謂  
之谷

# 居處

春日上方即事

文苑英華作上方維摩詰經時化菩薩即於會前昇於上方故梵地

謂之上方觀公詩多稱高僧辟穀事或作於梵地者

好讀高僧傳時看辟穀方鳩形將刻杖龜殼用支牀

律

云三四新異

柳色春山映梨花

一作花

夕鳥藏北牕桃李下閒

坐一作步

但焚香

文獻通考高僧傳六卷蕭梁會稽嘉祥沙門惠敏撰分譯經義解兩門又高僧

傳十四卷蕭梁僧釋惠敏以劉義宣靈驗記陶潛搜神錄等數十家並書諸僧殊畧乃博采諸書咨訪古老

起於永平終於天監分為十科史記武帝時李少君以祀竈辟穀道却老方見上注食穀道行或曰辟穀不食

之道漢書音義辟除也辟穀謂服辟穀之藥而靜居行氣真仙通鑑晉太康中田宣乞長生訣於王中倫中倫

遂留一石如雞卵遺之云可辟穀後漢禮儀志仲秋之  
月縣道皆按戶比民年七十者授之以玉杖端以鳩鳥  
為飾鳩者不咽之鳥也欲老人不噎按周禮羅氏仲春  
獻鳩以養國老取春物始生以助生氣非獨不噎之意  
博古圖有漢鳩杖首鏤易林扶老鳩杖唐書元宗開元  
二年九月丁酉宴京師侍老於含元殿賜八十以上鳩  
杖史記龜策傳南方老人用龜支牀足行二十餘歲老  
人死移牀龜尚生不死龜能行氣導引六帖江淮間有  
人得龜搗牀三十年放之猶活是也緯畧南方經曰南  
方老人以龜支牀行二十年老人死而龜猶活以龜吐  
納息也王維詩龜殼用支牀許渾詩休息過靈龜菟園  
賦坐帳無鶴支牀有龜沈約詩夕鳥傍欄飛韓子春植  
桃李夏得蔭其下唐書公本傳云退朝之後焚香獨坐  
則知公落句亦自敘其所好耳樂府詩集長命女題曰  
一片子云柳色春山映梨花雪鳥藏綠牕桃李下閒生  
歎春芳注云張說所作萬首絕句亦以此四句收入五

絕下命題亦同  
仍作公詩也

### 春園即事

宿雨乘輕屐春寒著弊袍  
開畦分白水間柳發紅桃  
草際成碁局林端舉桔槔

上句更好

還持鹿皮几日暮隱蓬蒿

顏延年詩剪棘開舊畦說文五十畝曰畦潘岳詩白水  
過庭激劉公幹詩方塘含白水謝朓詩風光草際浮邯  
鄲淳藝經碁局縱橫各十七道合二百八十九道白黑  
碁子各一百五十枚劉存事始自古有碁即有其局惟  
側秋之制出齊武陵王曄始令破楸木為片縱橫側排  
以為碁局之面張衡應問爽秋以碁局取譽莊子鑿木  
為機後重前輕挈水若抽數如洗湯其名曰桔槔又云  
南郭子綦隱几而坐家語原憲居蓬蒿中三輔決錄張

仲蔚所居  
蓬蒿之下

### 山居秋暝

空山新雨後，天氣晚來秋。  
明月松間照，清泉石上流。  
竹喧歸浣女，蓮動下漁舟。  
隨意春芳歇，王孫自可留。

總無  
可點

自是好。○楚辭芳以歇而不比。劉鑠詩屢見流芳歇。楚辭王孫遊兮不歸。

### 山居即事

寂寞掩柴扉，蒼茫對落暉。  
鶴巢松樹遍，人訪蕪門稀。  
綠竹含新粉，紅蓮落故衣。  
渡頭燈火起，處處採菱歸。

自是  
維詩

○沈約詩去去掩柴扉庾信詩蒼茫落餘暉何遜詩蒼  
茫落日暉禮記注華門荆竹織門也左傳注華門柴門  
劉尹別傳雖華門陋巷晏如也陶潛詩步止華門稀庾  
信詩蓮浦落紅衣又蓮衣落故渠楚辭涉江採菱發陽  
阿

### 秋夜獨坐

獨坐悲雙鬢空堂欲二更雨中山果落燈下草蟲鳴白  
髮終難變黃金不可成欲知除老病唯有學無生

長門賦悵

獨託於空堂阮籍詩獨坐空堂上爾雅疏草蟲一名負  
蠶一名常羊小大長短如蝗也奇音青色好在茅草中  
又一名草蠶毛詩嘒嘒草蟲張衡定情歌大火流兮草  
蟲鳴對牀夜話詩人發興造語往往不約而合如雨中



山果落燈下草蟲鳴王維也樹初黃葉日人欲白頭時  
樂天也司空曙有云中黃葉樹燈下白頭人句法王  
而意參白詩家不以為襲也列仙傳授丘君朱璜廣陵  
人入浮陽山八十餘年復見白髮盡黑漢書樂大以方  
術言於上曰黃金可成不死之藥可得仙人可致也漢  
武內傳李少君言臣能疑汞成白銀飛丹砂成黃金江  
淹詩丹砂信難學黃金不可成楞伽經除住三昧是名  
無生天台賦暢以無生之篇梁武帝詩至理歸無生

冬晚對雪憶胡居

一作處

士家

文苑英華注云王劭作非

寒更傳曉箭

一作催唱曉

清鏡覽

一作減

衰顏隔牖風驚竹開

門一作簾

雪滿山灑空深巷靜積素廣庭閒借問袁安舍

脩然尚閉關

鮑昭賦雪滿羣山墜牕雜錄續句園王維冬晚對雪隔牖風驚竹開門雪滿山何敬

祖詩廣庭發暉素後漢書袁安傳時大雪積地丈餘洛陽令身出按行見民家皆除雪出至袁安門無有路謂安已死令人除雪入戶見安僵卧問何以不出安曰大雪人皆餓不宜干人令以為賢舉為孝廉周易先王以至日閉關老子善閉者無闕鍵而不可開文中子注閉關喻藏身也艇齋詩話東湖言王維雪詩不可學平生喜此詩其詩云寒更催曉箭云云

### 歸嵩山作

後漢書地理志嵩高山山海經謂為大山山詩譜云外方之山即嵩也釋名大

而高曰嵩地志潁川嵩高縣有嵩高山古文以為外方山在今西京登封縣括地志云嵩高山在陽城西北二十三里宣和書譜李伯時瀟灑處似王維如寫王維歸嵩圖一即此詩意也

清一作晴

川帶長薄車馬去閒閒流水如有意暮禽

一作雲

相與還荒城臨古渡落日滿秋山

已近自然

迢遞嵩高山

一作山

下歸來且閉關

古樂府清川帶華薄注草木叢生曰薄廣信詩含風搖古渡吳都賦曠瞻迢遞

謝瞻詩迢遞封畿外漢書武帝禮登中嶽聞有言嵩歲

聲三子是以三百戶封奉祀命曰崇高為嵩高後漢靈

帝紀復崇高山名嵩高山白虎通中央之嶽獨加高字

者何中央四方之中可高故曰嵩高山爾雅山大而高

曰崧合而言之為嵩高分而言之為二室閉關注見

前首律隨間適之趣澹泊之味不求工而自工者也

歸鞞川作

李肇國史補王維好佛故字摩詰性高致得宋之問鞞川別業山水絕勝今清

源寺是也雍錄鞞川在藍田縣西南二十里王維

別業在馬本宋之問別園也長安志奉元州縣圖

鞞川在藍田之右通志鞞川別業在藍田縣西南

鞞谷唐王維置別業於此今之鹿苑寺即公之鞞

川故址也又云輞川在藍田縣南二十里山海經云商嶺水流至藍橋伏流至輞谷如車輞環轆落壘嶂入深潭有千聖洞細水洞茶園栗嶺為王維莊有詩畫傳於世

谷口疎鐘動漁樵稍欲稀悠然遠山暮獨向白雲歸菱

蔓弱難定楊花輕易飛東皋春草色惆悵掩雲扉

谷口即輞

谷也長安志輞谷水出南山輞谷北流入灊水屬臨潼縣亦暗用鄭子真事阮籍奏記方將耕兮東皋之陽

### 輞川間居

一從歸白社不復到青門時倚簷前樹遠看原上村青

菰臨水映白鳥向山翻寂寞於陵子桔槔方灌園

晉書隱逸

傳董京嘗宿白社中孫楚時為著作郎數就社與語水  
經注舊洛陽有三市北則白社故里也昔孫子楚會董  
威輦於白社謂此矣西征記洛陽建春門外有白社董  
威輦所住也地理志河南白社里在舊洛陽建春門晉  
逸士董京居此郊居賦乍容身於白社庾信詩關門臨  
白社青門注見五古四時陳子昂詩寧知白社客不厭  
青門瓜唐人類以作對律髓予於摩詰山下孤煙遠村  
天遠獨樹高原未嘗不心醉與其時倚簷前樹遠看原  
上村尤心醉也戰國策於陵子仲尚存乎是其為人也  
注於陵屬濟南皆以所居自號路史於陵今淄之長山  
此言於陵仲子之行與孟子所稱合恐即此人也莊子  
子貢過漢見一丈人為圃畦墜而入井抱甕而出  
用力甚多見功寡子貢曰有械於此用力甚寡而見  
功多一日澗百畦夫子不欲乎仰而視之曰柰何曰鑿  
木為機後重前輕挈水若抽數如沃湯其名曰桔槔為  
圃者忿然作色而笑曰吾聞之師有機械者必有機事

有機事者必有機心吾非不知羞而不為也演繁露枯  
槔水車也古無見莊子云云按此意制是就有水處立  
木其上交午如十字一頭繫甕一頭虛垂人者制其低  
昂今世捲水之車也魏畧馬鈞為園惠無水以灌乃作  
翻車令童轉之而灌水自覆更出更入其巧百倍於常  
是今之水車也鄒陽書於陵子仲辭三公為人灌園

輞川閒居贈裴秀才迪

寒山轉蒼翠秋水日潺湲倚杖柴門外臨風聽暮蟬渡

頭餘落日墟里上孤煙復值接輿醉狂歌五柳前

類以無情

之景述無情之意復非作者所依○楚辭觀流水兮潺湲謝靈運詩乘月弄潺湲陶淵明別傳淵明嘗聞田水聲倚仗久聽後漢書楊震傳于是柴門絕賓客陶潛詩依依墟里煙論語正義楚人姓陸名通字接輿伴狂不

仕時人謂之楚狂也江淹詣建平王書接輿之賢行歌而忘歸

### 淇上即事田園

屏居淇水上東野曠無山日隱桑柘外河明閭井閒牧

童望村去獵犬隨人還靜者亦何事荆扉乘書關

史記寶嬰

謝病屏居毛詩注淇上沫鄉之中小地名也水經淇水出河內隆慮縣西大號山山海經淇水出沮如山發於西北隅與金谷水合又經南羅川分為二水左為苑水右則淇水郡縣志出衛州共城縣西北沮沁山至衛縣入河謂之淇水陸機詩野涂曠無人禮記季春無伐桑柘謝朓詩桑柘起寒煙謝靈運詩還得靜者便世說新語有人問袁侍中曰殷仲堪何如韓康伯答曰門庭蕭寂居然有名士風流殷不及韓故作諫云門闔畫掩閒

庭晏然陶潛詩荆扉晝常閉顏延年詩郊扉常晝關律  
隨右丞詩長於山林河明閭井間一聯詩人所未有也  
牧童田犬  
句尤雅淨

終南別業

英靈集文粹英華並題  
云入山寄城中故人

中歲頗好道晚家南山陲興來每獨往勝事空自知行

到水窮處坐看雲起時

無言之境不可說之味不知者  
以為淺易其資如此故自難及

偶然值林

一作  
都

叟談笑無還

一作  
滯迴

期

何遜詩中歲無乖  
違五經要義終南

山長安南山也毛詩注終南周之名山在長安之南括  
地志南山即終南山一名太乙一名橘山一名周南一  
名地肺在長安城南八十里雜錄終南山橫亘關中面  
南西起秦隴東徹藍田凡八百里一名南山東西連亘



藍田咸寧長安藍屋四縣之境獨往注見五古田廬玉  
壺清話李漬長源一日忽有人來牀下誦詩曰行到水  
窮處未知天盡時漬斥曰誤矣豈非坐看雲起時歟答  
曰此雲安能起耶茲必死期故來拜別未幾而卒章泉  
詩話王維詩行到水窮處坐看雲起時杜甫云水流心  
不競雲在意俱遲知詩於此不可無語或以小詩復之  
曰水行雲起初無意雲在水流終有心倘若不將無有  
判渾然誰謂伯牙琴公曰所謂可與言詩矣苔溪漁隱  
山谷老人曰余頃年登山臨水未嘗不讀王摩詰詩行  
到水窮處云云顧知此老胸次定有泉石膏肓之疾李  
肇國史補王維有詩名然好竊取人句如行到水窮處  
坐看雲起時此英華集中詩也直方詩話余以為有摩  
詰之才則可不然是剽竊之雄耳宣和畫譜藏於御府  
有李伯時所寫王維看雲圖一豈有見於此詩乎天厨  
禁齋此詩不直言其間逸而意中見其間逸後湖集錄  
此詩造意之妙與造物相表裏豈直詩中有畫哉觀其

詩知其蟬蛻塵埃之中，蜉蝣萬化之表者也。律髓右丞此詩有一唱三歎不可窮之妙，如綢川孟城坳、華子岡、茱萸洲、辛夷塢等詩。右丞倡裴迪酬，雖各不過五言八句，窮幽入玄，學者當自細參則得之。

### 韋給事山居

按韋給事即韋嗣立之子，恒也。嗣立有驪山別第，謂之東山別業，即給事之山居也。詳注五古田廬時，韋以休沐山居適公過之，故詩以隔印綬辭軒冕為言。前五古叙云：給事首春休沐，維已陪遊正其時也。

幽尋得此地，詎有一人曾。大壑隨堦轉，羣山入戶登。庖

厨出深竹，印綬隔垂藤。即事辭軒冕，誰云病未能。

列子渤海

之東不知幾億萬里，有大壑無底之谷。江賦：淙大壑與沃焦楚辭聽大壑之波聲。西京賦：注壑坑谷也。謝靈運

詩仰視大壑滄海賦羣山既畧律髓此詩善用韻曾登  
二韻險而無蹟羣山入戶登一句尤奇比之王介甫兩  
山排闥送青來尤簡而有味禮記注庖宰殺之所厨烹  
飪之所周禮注庖之為言苞也裹肉曰苞列子庖厨之  
下不絕煙火上林賦庖厨不徙釋名印印信也所以封  
物以為驗也漢官儀綬者有所承授也漢書楊震傳收  
太尉印綬隋書禮儀志印綬二品已上金章紫綬三品  
銀章青綬四品得印者銀印青綬五品六品得印者銅  
印墨綬七品八品九品得印者銅印黃綬按漢律令有  
賜告賜告者病免三月當免天子優賜其告帶印綬將  
官屬歸家治疾也故公憲以韋給事方在賜告休沐之  
時亦得如漢制佩帶印綬而歸是以印綬隔垂藤為言  
耳列子晝則呻呼即事莊子今之所謂得志者軒冕之  
謂也管子先王制軒冕足以章貴賤史記注車有輻曰  
軒冕大冠也羽獵賦俄軒冕  
七發太子曰僕病未能也

宴集

慕容承攜素饌見過

紗帽烏皮几間居懶賦詩門看五柳識年筭六身知靈

壽君王賜彫胡弟子炊空勞酒食饌特底解人頤

宋書五行

志司徒王休仁制烏紗帽京邑翕然相尚隋書禮儀志帽自天子下及士人通冠之皇太子在上者則烏紗在承福省則白紗又有繒皐雜紗唐書儀衛志紗帽者視事及燕見賓客之服也中華古今注烏紗帽武德九年太宗詔曰自今已後天子服烏紗帽百官士庶皆服之宋書文帝輦席舊以烏皮緣謝朓有詠烏皮几詩禮記仲尼間居漢書司馬相如稱疾間居魏曹植晉潘岳廣蘭俱有間居賦五柳先生傳先生不知何許人也亦不

詳其姓字宅邊有五柳樹因以為號焉神仙傳彭祖曰  
不減年筭而得其益左傳晉悼夫人食與人之城杞者  
絳縣人或年長無子而往與於食有與疑年使之年曰  
臣小人也不知紀年臣生之歲正月甲子朔四百有四  
十五甲子矣其季于今三之一也吏走問諸朝師曠曰  
是歲也狄伐魯叔孫莊叔于是乎敗狄魯敗狄于鹹獲  
長狄僑如及虺也豹也而皆名其子七十三年矣史朝  
曰亥有二首六身下二如身是其日數也士文伯曰然  
二萬六千六百有六旬也西溪叢語亥字二畫在上併  
三六為身如筭之六蓋古之亥字如此二多寫故曰二  
首六身其下六畫如筭子三箇六數也所謂下二如身  
是其日數則六千六百六旬也漢書平帝詔太師孔光  
曰其令太師每朝十日一賜餐賜太師靈壽杖注木似  
竹有節長不過八九尺圍可三四寸自然有合杖之制  
不須削治也詩釋文橫即今靈壽也節中腫似扶老郡  
國志柳縣南山有靈壽杖漢平帝賜孔光靈壽杖出於

此衡山記靈壽岡為靈壽木風賦為臣炊雕胡之飯沈約詩雕胡方自炊又雕胡炊屢新雕胡注見五古四時論語有酒食先生饌韻會饌具食也前漢書匡衡傳諸儒語曰無說詩匡鼎來匡說詩解人頤注解頤使人笑不能止也

晚春嚴少尹與諸公見過

唐書嚴武字季鷹從玄宗入蜀擢諫議大夫至

德初赴肅宗行在房瑄以其名臣子薦為給事中已收長安拜京兆少尹擢武成都尹劔南節度使還拜京兆尹遷黃門侍郎卒贈尚書左僕射百官志少尹二人從四品下掌貳府州之事歲終則更

次入計

松菊荒三徑圖書共五車烹葵邀上客看竹到貧家鵲

乳先春草鶯啼過落花自憐黃髮暮一倍惜年華

三輔決錄

蔣詡字元卿舍中三徑歸去來辭三徑就荒松菊猶存  
漢書李固傳宜開石室陳圖書莊子惠施多方其書五  
車世說新語司馬太傅問謝車騎惠子其書五車何以  
無一言入玄謝曰故當是其妙處不傳史記公儀休為  
魯相食葵而美毛詩七月烹葵及菽本草葵為百菜之  
主左傳晏子於是延入為上客戰國策今上客有意存  
天下諸侯沈約詩匹彼露葵羹可以畱上客晉書王徽  
之傳吳中有一士大夫家好竹欲觀之便出坐輿造竹  
下主人灑掃請坐徽之便以此賞之盡歡而去愚管記  
嚴維詩家貧惟種竹時幸故人看以右丞看竹到貧家  
比之則一句能兼二句之意辭不費而義自足矣毛詩  
黃髮兒齒禮記君子式黃髮漢書注黃髮老稱兩雅注  
髮落而更生黃髮者曹  
植詩俱享黃髮期

鄭果州相遇

唐書地理志山南道果州南充郡中武德四年置因果山為名天寶元年

為南充郡乾元元年復為果州也文獻通考果州亦巴子國地秦漢晉宋齊因之隋并其地入巴西

郡唐初屬崇州

麗

一作斜

日照殘春初晴草木新牀頭

一作前

磨鏡客樹下

灌園人五馬驚窮巷雙童逐老身中厨

一作厨中

辦麤飯當

恕

一作常恐

阮家貧

列仙傳負局先生者不知何許人也語似燕代間人常負磨鏡局徇吳市中街

唐鏡一錢因磨之輒問主人得無有疾苦者輒紫丸藥以與之得者莫不愈如此數十年後大疫病家至戶到與藥活者萬計不取一錢吳人乃知其真人也灌園注見居處漢官儀太守五馬蓋天子六馬而諸侯五馬也



晉書王羲之出守永嘉庭列五馬後遂授為太守事  
瑚鈞詩話五馬之事不見于書以詩言之良馬五之周  
禮注州長建旗太守視之法御五馬或云古乘駟馬車  
至漢太守出則加一馬許彥周詩話五馬事無知者陳  
正敏云良馬五之以為州長建旗作太守事又漢官儀  
注駟馬加左驂右駢二千石有左驂以為五馬然前輩  
楊劉李宋最好知僻事豈不知漢官儀而疑之耶故俱  
存之以俟知者筆談太守五馬莫知的據古樂府五馬  
立踰彌即其來已久或言詩有良馬五之侯國事也然  
上言良馬四之下言良馬六之則或四或六原非定制  
也漢有四馬車正用四馬而鄭玄注詩曰周禮州長建  
旗漢太守比州長法御五馬則太守之用五馬後漢已  
然矣至唐白居易詩曰五匹鳴珂馬又曰使君五馬馳  
則是真有五馬矣庾信詩五馬遙相問雙童來夾車公  
對法放此梁簡文帝詩左顧教中厨促令辦麋飯曹植  
詩豐膳出中厨又中厨辦豐膳晉書阮咸與籍居道南

諸阮居道北阮富而南阮貧

黎拾遺昕裴迪見過秋夜對雨之作

促織鳴已急輕衣行向

一作尚

重寒燈坐高館秋雨聞疎

鐘白法調狂象玄言問老龍何人顧蓬徑空愧求羊

一作

牛蹤

古今注促織謂鳴聲如急織也爾雅釋文蟋蟀一

羊蹤

名蠶今促織也亦名蜻裂詩疏似蝗而小正黑色

有光澤楚人謂之王孫幽人謂之趨織里語云趨織鳴

懶婦驚春秋考異郵立秋趨織鳴古詩促織鳴東壁張

載詩歛襟思輕衣涅槃經有二白法能俵衆生一慚二

愧大寶積經速離黑法生諸白法一切白法滅諸惡法

華嚴經以寂靜白法而自覆護佛遺教經又如狂象無

之狂猴金光明經譬如狂象踏蓮華池神僧傳雲無憾

從兄善能調象騎殺王所乘白耳大象王怒誅之又  
空者梵名阿目佉拔折羅華既連獅子國王遣使迎之  
一日王作調象戲人皆登高望之無敢近者空口誦手  
印當衝而立狂象數頭頓皆踢跌舉國奇之晉書王衍  
妙善玄言宋書何顓與張融相遇輒以玄言相滯莊子  
蚶荷甘與神農同學于老龍吉三輔決錄求仲羊仲不  
知何許人皆治車為業控康逸名蔣元卿去兗州還杜  
陵荆棘塞門舍中有三徑不出惟二人從之游時人謂  
之二仲謝靈運  
詩求懷求羊蹤

### 與盧象集朱家

唐書藝文志盧象字緯卿汶水人  
初為左拾遺膳部員外郎受祿山

偽官貶永州司戶參軍起為主客員外郎殷璠云  
象素有才體得國士之風曩在校書名充祕閣唐  
詩紀事劉夢得云公始以章句振起於開元中與  
王維崔顥比肩驥首由前進士補祕書郎轉右衛

倉曹掾丞相曲江公方執文衡得公深器之擢為  
左補闕河南府司錄司勳員外郎名盛器高少所  
卑下為飛語所中左遷齊汾鄭三郡司馬入為膳  
部員外郎大盜起山陵入洛師執公青之從伍中  
請果州長史又貶永州司戶詔拜主客員外  
郎道病武昌不起故相崔太傅以文志其墓

主人能愛客終日有逢迎  
賞得新豐酒復聞秦女箏柳

條疎客舍槐葉下秋城語笑且為樂吾將達此生

後漢書表

安博愛客衆無所聞擇曹植詩公子敬愛客謝靈運詩  
愛客不告疲戰國策田光造燕太子跪而逢迎漢書段  
會宗傳注迎之于道隨所到而逢之故曰逢迎也方言  
逢逆迎也自關而西或曰迎或曰逢顏延年詩榮衛在  
逢迎史記索隱鄢誕生賈廣雅云賈賂也說文云賈貸  
也臨淮有賈陽縣漢書功臣表賈陽侯劉纏而此紀作

射陽則貫亦射也新豐注見五古送別庾信詩高會樂  
新豐史記夫彈箏者真秦之聲也楚世家費無忌曰秦  
女好自可娶風俗通箏五弦筑身也今并涼二州箏形  
如瑟或曰秦蒙恬造曹植詩注秦女善秦箏楚辭挾秦  
箏發彈指漢書郭解傳請得解  
客舍養之莊子達生之情者傀

### 喜祖三至留宿

祖三即祖詠注見五古獻贈題下  
按唐詩紀事亦載此詩注云詠與

維最善祖詠亦有  
答公詩見同詠集

門前洛陽客下馬拂征衣不枉故人駕平生多掩扉行  
人返深巷積雪帶餘暉早歲同袍者高車何處歸  
按詠本洛

陽人故謂之洛陽客行人注見五古行旅積雪注見七  
古詠懷毛詩與子同袍古詩同袍與我違漢紀郭丹入

開歎曰不乘使者車不復出門後奉使南歸果乘高車釋名高車其蓋高立載之車也宋書禮志高車即立乘也

### 待儲光羲不至

唐詩紀事載此詩于光羲下唐書儲光羲兗州人開元十四年進士

詔中書試文章歷御史祿山反陷賊自歸文獻通考唐監察御史魯國儲光羲與崔國輔綦母潛皆同年進士天寶末任偽官貶死顧況為集序云開元十四年嚴黃門知考魯國儲公進士高第與崔輔國員外綦母潛著作同時其明年擢常建少府挾身虜庭竟陷危邦其嗣息曰溶泣拜告予曰我先人與王右丞伯仲之懽也殷璠云儲公削蓋常言趣遠清深挾風雅之道得浩然之氣嘗觀儲公正論十五卷九經外義疏三十卷可謂經國之大才築城遺言儲光羲詩高處似陶淵明平處似王

摩詰

重門朝已啓，起坐聽車聲。  
要欲聞清珮，方將出戶迎。  
晚

鐘鳴上苑疎，雨過春城了。  
自不相顧臨，堂空復情

易解重

門擊柝，以待暴客。  
謝朓詩：重門猶未開。  
漢書：朱買臣傳：徐出戶，有頃，古詩：出戶獨徬徨。  
顏延年詩：臨堂坐星分。

謝朓詩：娟空復情。

梵宇

過福禪師蘭若

舊唐書：方伎傳：義福，姓姜氏，路州銅鞮人。初止藍田化感寺。處方丈

之室，凡二十餘年，未嘗出宇之外。  
後隸京城慈恩寺，開元十一年，從駕往東都，途經蒲虢二州，刺史

及官吏士女皆齋幡花迎之所在途路充塞卒賜  
魏大智禪師葬于伊闕中書侍郎嚴挺之為製碑  
文

巖壑轉

一作帶

微徑雲林隱法堂羽人飛奏樂天女跪焚

香竹外峯偏曙藤陰水更涼欲知禪坐久行路長春芳

山海經有羽人之國釋氏通鑑昭王坐祇明之室晝而  
假寐忽白雲蔚蔚而起有衣服並皆毛羽因名羽人焚  
辭仍羽人于丹丘維摩詰經舍利弗言天女汝何所得  
天女曰但聞佛功德之香不樂聞聲聞辟支佛功德香  
也楞嚴經時魔衆中七百天女以天香華末香塗香及  
諸瓔珞散魔解行不污菩薩法華經天女所著衣聞香  
悉能知杜甫金華觀詩  
焚香玉女跪意與此合



過感化寺曇興上人山院

品彙作感配寺又作化感寺舊唐書方伎傳化

感寺在藍田按公與裴迪書云山中憇感化寺與山僧飯訖而去即其地也此詩公與裴迪作見同

詠集

暮持筇竹杖相待虎溪頭  
催客聞山響歸房逐水流  
野

花藜發好谷鳥一聲幽  
夜坐空林

一作村

寂松風直似秋

畧不用思○史記張騫傳臣在大夏時見邛竹杖問安得此大夏國人曰吾賈人往市之身毒國蜀都賦邛竹傳節大夏晉蘇彥傳咸俱有邛竹杖銘廬山記東林三門內有小石渠名曰虎溪遠師送客未嘗過溪通塞志遠法師所居東林流泉匝寺下入於溪師每送過此有虎號鳴因號虎溪後送客未嘗過獨陶潛道士陸修靜

至語道契合不覺過虎溪因相與大笑古辭相待三山頭宋書宗炳傳凡所游履皆圖之于室欲令眾山皆響

王籍詩鳥鳴山更幽

夏日過青龍寺謁操禪師青龍寺注見五古題下傳燈錄廬山操禪師以

無機緣語句不錄或即此僧此詩公與裴迪作見同詠集

龍鍾一老翁徐步謁禪宮欲問義心義遙知空病空山

河天眼裏世界法身中莫怪銷炎熱能生大地風埤蒼龍鍾

行不進貌廣韻龍鍾竹名世言龍鍾謂其年老如竹枝葉搖拽不能自禁特取此義資暇錄龍鍾之義且未知所自輒以愚見鍾即涪爾涪與鍾並蹄足所踐處則龍致雨上下所踐之鍾固淋漓濺濺矣雜寶積經寂靜徐

步維摩詰經比丘畧說法謂無常義苦義空義無我義  
義心義又云得是平等無有餘病惟有空病空病亦空  
梁武帝詩無非空對空楞嚴經云何忽生山河大地大  
寶積經云何天眼答曰能見一切色相光明而無所著  
楞嚴經時心懷歡喜謂得天眼楞嚴經由是引起塵勞煩  
眼常在三昧華嚴經一天眼楞嚴經由是引起塵勞煩  
惱起為世界瓔珞經無量世界盡觀衆生又云如來神  
智不毀法身文殊師利問經佛非色身佛是法身寶積  
經諸如來者皆是法身庾肩吾詩千金值法身首楞嚴  
經汝觀地性麓為大地細為微塵華嚴經以無量因緣  
乃成大地依於水輪風輪空輪三世志大風吹  
沫造須彌山四寶所成如是大風吹掘大地

### 過香積寺

文苑英華作王昌齡詩雍錄香積寺呂  
圖在子午谷正北徽西郭子儀收長安

長陳於寺北唐本傳云距豐水臨大川大川者沈  
水交水唐永安渠也蓋寺在豐水之東交水之西

也呂圖云在鎬水發源之北則近昆明池矣長安志城南名勝古蹟園香積寺在神谷原上唐昭陵園香積寺與麻池相近菩提寺在其左惠昭寺在其右屬醴泉縣通志香積寺在御宿苑北交河間神禾原上

不知香積寺數里入雲峯古木無人徑深山何處鐘泉

聲咽危石日色冷青松薄暮空潭曲安禪制毒龍

謝靈運詩

滅蹟入雲峯謝惠連詩平明登雲峯大灌頂神呪經莫令諸小毒龍害於人民涅槃經以諸呪術呪藥唯除一毒龍智度論有大力毒龍以眼視人弱者即死以氣噓人彊者亦死時龍受一日戒出家入林樹間疲懈而睡獵者見之驚喜曰以此皮獻上國王以為船飾不亦可乎便以杖案其頭刀剝其皮龍自念我今持戒故不計

此身一心受剝不生悔意時日大熱欲起大水見諸小  
蟲來食其身為持戒故不敢動畜生尚能堅持禁戒至  
死不犯況復於人高僧傳有一小龍長五六寸許隨  
水出來諸道士競往視之登曰龍有毒勿臨其上

### 登辨覺寺

文苑英華題  
云新覺寺

竹徑從

一作連

初地蓮峯出化城  
牕中三楚盡

一作靜

林上

一作外

九江平輦

一作嫩

草承趺坐長松響梵聲  
空居法雲

外觀世得無生

決定經不舍初地入於二地大寶積經  
七地初相亦是從初地又云是何如來

向食之處此是初地法華經導師多諸方便於險道中  
化作城是時疲極之衆前入大城生已度想生安穩想  
徐陵碑無色之外方為化城劉孝綽詩聊此化城樂謝  
眺詩牕中列遠岫史記貨殖傳淮以北沛陳汝南南郡

此西楚也彭城以東東海吳廣陵此東楚也衡山九江  
江南豫章長沙此南楚也是為三楚者也漢書注舊名  
江陵為南楚吳為東楚彭城為西楚翰曰三楚謂楚文  
王都郢昭王都鄂孝烈王都壽春文穎曰彭城故東楚  
也項羽都為之西楚漢祖定天下以為楚郡封弟交為  
楚王都之宣帝更為彭城王後楚襄王徙都于淮陽西  
楚矣三楚斯其一焉九江注見七古問答華嚴經地草  
柔輦結跏趺坐阿育王傳迦葉至雞脚山三嶽中坐草  
敷上跏趺而坐瓔珞經至尊等正覺十號具足結跏趺  
坐首楞嚴三昧經爾時世尊身昇虛空七多羅樹結跏  
趺坐坐禪儀結跏趺坐先以左足安右脛上右足安左  
脛上或半跏趺或以左足壓右足皆可次以左掌安右  
掌上以兩大拇指面相拄徐徐舉身乃正身端坐華嚴  
經彼梵音聲不出眾外佛說太子刷護經菩薩得好高  
聲如梵天聲三昧經當知諸佛世尊大梵音聲長阿含  
經其梵聲有五種一正直二和雅三清徹四深滿五周

通遠聞梁元帝碑梵聲依於應塔華嚴經不外法雲王  
中碑蔭法雲於真際瓔珞經觀世如幻化無生注見前  
律髓此似是廬山僧寺三四形容廣大其語即  
無雕刻而牕中林外四字一了數千里甚佳

### 遊眺

### 遊李山人所居因題屋壁

世上皆如夢狂來或自歌問年松樹老有地竹林

一作陰

多藥倩韓康賣門容尚子過翻嫌枕席上無那

一作李

白

雲何

楞嚴經虛空却來觀世間猶如夢中事左傳晉侯  
問公年述征記嵇康園宅今為田墟而父老猶為

嵇公竹林地後漢書韓康霸陵人常採藥名山賣于長  
安市口不二價三十餘年有女子從康買藥康守價不

移女子怒曰公是韓伯休那乃不二價乎康歎曰我本  
欲避名今小女子皆知有我何用樂為乃避入霸陵山  
中向長傳長字子平建武中男女婚嫁畢教斷家事勿  
復相關當如我死也遂肆意與同志禽慶俱遊五嶽名  
山不知所終高士傳向字作尚前漢書趙充國從枕席  
上過師皎然詩式有事無事第四格王維題李山人壁  
翻嫌枕席上  
云云是也

### 汎前陂

秋空自明

一作明月

迴汎復遠人間

一作寒

暢以沙際鶴兼之

雲外山澄波

一作陂

淡將夕清月皓方閒此夜任孤棹夷

猶殊未還

升菴詩話王右丞詩暢以沙際鶴兼之雲外山孟浩然云重以觀魚樂因之鼓柁歌雖用



助語辭而無頭巾氣楚辭君不行兮夷猶注夷猶猶豫也謝朓詩輟棹子夷猶

漢江臨汎

山海經注漢水出隴坻道縣嶧冢山初名漾水東流至武都沮縣始為漢水即

漢江也通志漢江在漢中城南三里其源自沔縣嶧冢山出東流入襄陽界

楚塞三湘接荆門九派通江流天地外山色有無中郡

邑浮前浦波瀾動遠空襄陽風日好畱醉與山翁

戰國策楚

有汾陘之塞荆州記魯陽縣其地重險楚之北塞也江淹詩始知楚塞長三湘注見五古送別水經注荆門在南上合下開閭徹山南有門象虎牙在此石壁江賦荆門闕竦而槃薄流九派於潯陽尚書注江於此州界分為九道陰臆雜錄皎然詩式有事無事第四格王維漢江臨汎江流天地外山色有無中是也庾谿詩話王摩

詰漢江臨汎詩曰江流天地外山色有無中六一居士  
平山堂長短句云平山欄檻倚晴空山色有無中豈用  
摩詰語耶然詩人意所到時語偶相同亦多矣其後東  
坡作長短句日記取醉翁語山色有無中則專以為六  
一語也老學菴筆記水流天地外山色有無中王維詩  
也權德輿晚渡楊子江詩云遠岫有無中片帆煙水上  
已是用維語歐陽公長短句云云詩人至是蓋三用矣  
然公但以此句施於平山堂為宜初不自為工也東坡  
先生乃云記取醉翁語山色有無中則似為歐公創為  
此句何哉袁淑詩肯事郡邑權釋名風吹水成紋曰瀾  
瀾連也波體流轉相及連也謝靈運詩傾耳聆波瀾晉  
書山簡鎮襄陽唯酒是耽諸習有佳園池簡出遊多之  
池上置酒輒醉名之曰高陽池襄陽記漢侍中習郁干  
峴山南依范蠡養魚法作魚池池邊有高隄種竹及長  
楸芙蓉菱芡覆水是遊燕名處也山簡每臨此池未嘗  
不大醉而還曰此是我高陽池也襄陽小兒歌毛應劭

曰城在襄水之陽故曰襄陽也庾信詩今朝好風日律  
隨右丞此詩中兩聯皆言景而前聯尤壯足敵孟杜岳  
陽之作又云王右丞詩江流天地外山色有無中杜少  
陵詩云日出寒山外江流宿霧中以寫秋曉亦足以做  
右丞  
之壯

### 終南山

文苑英華衆妙集並題作終  
山行注云集作終南山行

太一近天都連山

一作天

到海隅白雲迴望合青靄入看

無分野中峯變陰晴衆壑殊欲投人處宿隔水

一作浦

問

樵夫

語不必深解清奪衆妙○五經要義終南山一名  
太一山漢書注太一山古文以為終南山東都賦

注終南山之總名太一一山之別號耳福地記終南  
太一山在長安西南五十里雍錄太一之名先秦無之

至漢武帝始用方士言尊太一以配天帝而世人始知天神嘗有太一也則凡言太一者當在武帝之後也通志云天有太一星地有太一山皆第一之謂也關中記其山一名中南言在天之中居都之南故云近天都也呂氏春秋東方為海隅爾雅齊有海隅謝靈運詩歸客逐海隅江淹詩虛堂起青霽國語歲之所在則我有周分野之屬是也庾信終南山詩鵠蓋上中峯通志王維題終南詩曰星野中峯變陰晴萬壑殊謂中峯之北為雍為井鬼其南為梁為荆為翼軫足以見茲山之大矣古今詩話說者謂王右丞中南詩皆議時宰詩云太一近天都連山接海隅言勢焰掣據朝野也白雲迴望合青霽入看無言有表而無內也分野中峯變晴陰衆壑殊言思澤徧也欲投人處宿隔水問樵夫言畏禍深也樂府詩集取此後四句題曰睦州歌第一

### 愚公谷三首

劉校本注云青龍寺與黎昕戲題三首陝通志愚公谷在藍田縣青龍寺

愚管記按韓子說苑水經三書所稱愚公谷者三  
韓子云威王時事說苑云桓公時事水經云麥丘  
所棲愚公谷也要之皆在齊境則右丞所  
題者又在關中豈亦做齊事而名之耶

愚谷與誰去唯將黎子同非須一處住不那兩心空寧

問春將夏誰論西復東不知吾與子若箇是愚公

漢書  
食貨

志注若箇謂當如此箇數耳  
演繁露若箇猶言幾何枚也

吾家愚谷裏此谷本來平雖則行無蹟還能響應聲不

隨雲色暗只待日光明緣底名愚谷都由愚所成

庾信  
詩君

見愚公谷空言此谷愚史記淳  
于髡曰其應我若響之應聲

借問愚公谷與君聊一尋不尋翻到谷此谷不離心行  
處曾無險看時豈有深寄言塵世客何處欲歸臨

登裴迪秀才小臺作

端居不出戶滿目望雲山落日鳥邊下秋原人外閒遙

知遠林際不見此簷間好客多乘月應門莫上關

宋書  
隱逸

傳法崇歎曰緬想人外三十年矣小園賦寂寞人  
外劉楨詩應門重其關庾肩吾詩青門欲上關

登河北城樓作

河北城即魏之河北縣也水經注  
河北縣故城西故魏國也今城南

西二面並去大河可二十餘里唐書太宗因山川  
形便分天下為十道四曰河北六典河北古幽冀

之境東並於海南迫於河  
西距太行北通榆關薊門

井邑傳

一作傳

巖上客亭雲霧間高亭眺落日極浦映蒼

山岸火孤舟宿漁家夕鳥還寂寥天地暮心與廣川閒

尸子傳巖在北海之洲孔安國曰傅氏之巖在虞虢之界謝混詩高臺眺飛霞謝靈運詩寒城一以眺四子講德論注寂寥曠遠之貌史記春中君曰廣川大水謝靈運詩含情汎廣川

涼州郊外遊望

劉校本注時公為節度判官在涼州作風俗記漢武帝元朔三年改

雍曰涼則以其金行土地寒涼故也舊唐書涼州漢姑臧縣屬武威秦月氐戎所處晉張軌稱前涼呂光稱後涼後入元魏為武威郡隋亦如之武德二年置涼州天寶元年改為武威乾元元年復為

涼州文獻通考涼州周時為敵地秦興匈奴既失  
甘泉又使休屠渾邪王居其地漢武開之置武威  
郡後漢魏晉并置涼州張  
軌呂光並拒之屬隴西道

野老才三戶邊村少四鄰婆婆依里社簫鼓賽田神灑

酒澆芻狗焚香拜木人女巫紛屢舞羅襪自生塵

左傳注今

丹水縣北有三戶亭竹書紀年士寅孫何侵楚入三戶  
郭者是也哀江東賦楚有七澤人稱三戶南公所謂楚  
雖三戶亡秦必楚者也今首句所稱三戶蓋語邊村野  
老之家三戶為鄰耳兩雅注婆婆盤辟舞也舞者之容  
婆婆然因學紀聞曹娥碑云按節婆婆樂神以五月時  
迎伍君傳云迎婆婆神誤也史記初起禱豐粉榆社張  
晏曰即高祖里社也漢書有司奏民里社各任裁以祠  
史記封禪書冬賽禱祀索隱曰賽謂報神福也田神即



周禮田租之神農是也老子注結芻為狗也莊子夫芻狗之未陳也列子偃師作木人以手招王美人蓋刻木為田神而拜之耳女巫注見七古騷體楚辭紛屣舞兮堂前洛神賦凌波微步羅襪生塵

觀獵

唐詩紀事題曰獵騎樂府詩集萬首絕句以前四句作五絕並題曰戎渾

風勁

一作動

角弓鳴

氣

將軍獵渭城草枯鷹眼疾雪盡馬

蹄輕忽過新豐市還歸細柳營迴看射雕

一作落鷹處

千里暮雲平

極是畫意○塗臆雜錄詩中旨格謂觀獵云草枯鷹眼疾雪盡馬蹄輕比比君臣道

合也續金針詩格意欲得圓王詩曰草枯鷹眼疾雪盡馬蹄輕上句言佞人在位小人不見容也下句言君子行正道雖直言得罪而輕也新豐注見宴集式元衡詩草枯馬蹄輕角弓勁如石正用右丞句史記河南守周

亞夫為將軍軍細柳三輔故事漢周亞夫軍於細柳今石徼是也西有細柳倉史記注服虔曰細柳在長安西北徐廣曰細柳在長安西如淳曰細柳倉在渭水北古徼西顏師古曰匈奴傳軍長安西細柳此則不在渭北張揖曰在昆明池南今柳市是索隱曰細柳在直城門外阿房宮西北維括地志細柳倉在雍州咸陽縣西南周亞夫嘗令軍營皆柳樹謂之柳營北史斛律光工騎射嘗射一大禽形如車輪而下乃鵞也邢子高曰此真射鵞手伏知道詩遙聞射鵞騎虞義詩萬里與雲平唐語林張祐觀獵四韻及白公云張三作獵詩以比王右丞余則未敢優劣王維詩曰風勁角弓鳴云云張祐詩曰晚出禁城東分圍淺草中紅旗開向日白馬驟臨風背手抽金簇翻身控角弓萬人齊指處一鴈落寒空梅聖俞擬王維觀獵詩云白草南山獵調弓發指鳴原邊黃犬去雲外卑雕迎近出長陵道還看小苑城聊從向來騎回望夕陽平其辭韻亦與公同並識之

酬寄

酬嚴少尹徐舍人見過不遇

嚴徐注見宴集騷體題下

公門暇日少窮巷故人稀偶值乘藍輦非闌避白衣不

知炊黍否誰解掃荆扉君但傾茶椀無妨騎馬歸

左傳樂氏

乘公門東觀漢記吳漢勤勤不離公門文選注公門職

事之府也楚辭聊暇日以須時盧湛詩暇日聊遊豫風

賦起於窮巷之間左思詩落落窮巷士晉書陶潛傳江

州刺史王弘欲識之不能致也潛嘗往廬山弘命潛故

人廡通之齋酒具于半道栗里之間邀之潛有脚疾使

一門生二兒舁藍輦既至欣然共飲酌俄頃弘至亦無

迂也霏雪錄藍輦作平聲樂天藍舁早晚入槐亭是也

作上聲藍輦不來乘晚涼又卧乘藍輦睡中歸又陸乘

藍舉水乘舟是也晉陽秋陶潛九月九日無酒於宅邊菊叢摘菊盈把望見白衣人乃王弘送酒便就酌而歸後漢書范式與張元伯為友元伯至殺雞炊黍而待之荆扉注見居處騎馬用山簡事注見遊眺蓋公言嚴徐見過但傾茶椀而無酒具猶可騎馬而歸也

### 酬慕容上

行行西陌返駐幘問車公挾轂雙官騎應門五尺童老年如塞北疆起離牆東為報壺丘子來人道姓蒙

謝惠連詩

行行道轉遠釋名幘憲也樂熱也劉良曰幘車網也晉書車指傳角善於賞會每有盛坐而角不在皆云無車公不樂謝安遊集之日輒開筵待之殺梁傳注滕薛夾轂而趨宋書張劭性豪每行來常引夾轂陰鏗詩夾轂

來相趨漢官儀駟騎王家名官騎後漢輿服志官騎張  
弓帶鞬表宏漢紀晉書詔賜簡王羽林右騎為虎賁又  
令上官屬子弟以為官騎馬李密陳情表應門無五尺  
之童後漢書逢萌傳王君公遭亂獨不去僧牛自隱時  
人謂之論曰避世牆東王君公庾信詩還得隱牆東列  
子反以報壺子注壺丘子林列子之師高士傳壺丘子  
林者鄭人也道德甚優列禦寇師事之困學紀聞呂氏  
春秋云子產相鄭往見壺丘子林與其弟子坐必以年  
然則與子產同時史記莊子蒙人也名周嘗為蒙漆園  
吏高士傳莊周少學老子梁惠王時為蒙縣漆園吏潘  
岳詩下愧  
蒙莊子

酬張少府

錢起集有送張少  
府詩或即其人歟

晚年唯好靜萬事不關心自顧無長策空知返舊林松

風吹解帶山月照彈琴君問窮通理漁歌入浦深

過秦論振

長策而御宇內陸衡詩離鳥悲舊林沈約詩解帶臨清風禮記六日彈琴而不成聲辨命論余謂之窮通無非

命也陶潛詩

所樂非窮通

酬虞部蘇員外過藍田別業不見畱之作

唐書百官志虞

部郎中員外郎各一人掌京都衙關苑囿山澤草木及百官蕃客時蔬薪炭共頓畋獵之事藍田別

業注

見前

貧居依谷口喬木帶荒村石路枉迴駕山家誰候門漁

舟膠凍浦獵火燒

一作繞

寒原唯有白雲外疎鐘聞夜猿

史記楚莊生家員郭居甚貧謝靈運詩貧居晏里閑陶  
潛詩貧居乏人工歸田賦月迴駕手蓬戶沈約詩噉噉  
鳴夜猿

酬比部楊員外暮宿琴臺朝躋書閣率爾見贈之

作虛照鄰集亦載此詩唐書百官志比部郎中員外郎各一人掌勾會內外賦歛經費俸祿公廩

勲賜賜贖徒役課程通欠之物及軍資械器和糶屯收初入京師倉庫三月一比諸司諸使京都四

時勾會於尚書省通典魏尚書有比部曹晉因之宋比部主法制北齊掌詔書律令勾檢等事後周

曰計部中大夫隋為比部侍郎煬帝除侍字唐加中字龍朔改司計大夫按唐書韋韜傳有戶部郎

中楊伯成李愷集有和楊員外伯成寓直詩云落日彌綸地公才畫省郎辭驚起草筆坐引護衣香

雙闕天河近千門夕漏長遙知臺

上宿不獨有文彊意即其人也

舊簡拂塵看鳴琴候

一作俟

月彈桃源

一作花

迷漢姓松徑

一作樹

有秦官空谷歸人少青山背日寒羨君棲隱處遙

望白雲端

按此詩首句詠書閣次句詠琴臺二聯皆書景物也漢姓注見七古歌行秦官注見前宗

戚

酬賀四贈葛巾之作

賀四即賀遂員外也周遵輿服雜事巾以葛為之形如幅

本居士野人所服博物志漢中興士人皆冠葛巾

野巾傳惠好茲貺重兼金嘉此幽棲物能齊隱吏心早



朝方暫挂晚沐復來簪坐覺囂塵遠思君共入林

孟子注趙

岐云兼金其價兼倍于常者價兼倍于惡者故曰兼金  
顏延之詩承榮重兼金謝靈運詩資此永幽樓晉書孫  
綽曰山濤吾所解吏非吏隱非隱史記范蠡曰君王早  
朝晏罷沈約詩晚沐卧郊園釋名簪建也所以建冠於  
髮也左傳景公謂晏子曰子之宅湫溢囂塵應璩書因  
於囂塵謝朓詩囂塵自茲隔世說新語謝公道豫章若  
遇七賢必自把臂入林

寄荊州張丞相

唐書張九齡以尚書右丞相罷政  
事嘗薦長安尉周子諒為監察御

史子諒劾奏仙客九齡坐貶荊州刺史請還展墓  
病卒贈荊州大都督諡曰文獻唐呂溫張荊州書  
贊序中書令始興文獻公有唐鯁亮之臣也今公  
題荊州張丞相者以張遷荊州而舊為丞相故也

所思竟何在  
悵望深荆門  
舉世無相識  
終身思舊恩  
方

將與農圃藝  
植老丘園  
目盡南無鴈  
何由寄一言

愚管  
記古

人寄贈懷思之作  
辭旨多同如傅休奕  
長安行云所思  
今何在乃在西長  
安張衡四愁詩云  
我所思兮在漢陽

沈約詩云所思竟  
何在洛陽南陌頭  
劉孝綽詩云所思

竟何在相望徒盈  
盈觀此則右丞寄  
張相首句殆取諸

傳張諸家者也  
漢書地理志荆門  
岑彭破田戎處水  
經

注江水東歷荆門  
虎牙之間荆門山  
在南上合下開其

狀似門荆州記郡  
西沂江六十里南  
岸有山名曰荆門

宜都山川記荆門  
即楚西塞張式記  
峯巒對起厥狀如

門唐書貞觀間始  
立荆門縣屬江陵  
府陸機文固舉世

之所推楚辭舉世  
皆然兮前漢書宣  
帝紀張賀思顧舊


恩曹操詩心念舊  
恩漢書鄭朋奏記  
修農圃之疇張載

詩萌隸營農圃周  
易賁於丘園山居  
賦在林野曰丘園

詩萌隸營農圃周  
易賁於丘園山居  
賦在林野曰丘園

秋興賦 鴈飄飄而南飛  
陸厥行 鴈過南無書

王右丞詩集卷四



總校官庶吉士臣張能照

校對官助教臣吳省蘭

謄錄舉人臣張賦京

欽定四庫全書薈要

集部  
王右丞詩集卷五

詳校官助教呂常伯



王右丞詩集卷五

唐王維撰

明顧起經注

律詩

送別

送元中丞轉運江淮

一作錢起詩載錢郎中集舊唐書職官志大夫中丞之職

掌持邦國刑典憲章以肅朝廷中丞為之貳兵志初轉運使掌外度支使掌內永泰二年分天下財

賦鑄錢常平轉運鹽鐵置二使舊唐書元載鳳翔  
岐山人也載母攜載適景昇冒姓元氏天寶初下  
詔求明莊老文列四子之學者載策高科肅宗即  
位時載避地江左江東察訪使李希烈表載連洪  
州刺史入為度支郎中俾充使江淮都運領漕輓  
之任尋加御史中丞連諸道轉運使會有上封人  
李少良密以載醜蹟聞命金吾大將軍吳湊  
收載縉於政事堂各置繫本所救宜自盡

薄稅歸天府輕徭賴使臣歡霑賜帛老恩及卷綃人去

問珠

錢集作珠

官俗來經石劫

錢集作劫却

春東南御

錢集作御又作高非

亭上莫使

錢集作問

有風塵

周禮注府物所藏言尊此所藏若天府然戰國策蘇秦曰此所

謂天府注府聚也漢書張良傳天府之國注財物所聚謂之府又云霍光輕徭薄賦漢書文帝使人存問長老



九十以上賜帛絮漢武賜縣三老帛五匹鄉三老孝弟力田帛人三匹漢宣帝加賜鰥寡孤獨高年帛又皇帝

賜縣三老孝者帛人五匹鄉三老弟者力田帛人三匹年九十以上及鰥寡孤獨帛人二匹吳都賦泉客潛織

而卷綃俗傳鮫人從水中出曾寄寓人家積日賣綃綃即闕也博物志鮫人潛藏卷綃鮫人泉客織輕綃於

水室以賣之綃生絲織成毅紡絲織之者也綃輕而毅細食貨志元帝時貢禹言宜罷采珠玉之官吳志薛綜

傳趙佗起番禺珠官之南是也晉書地理志合浦郡統

縣珠官舊唐書十道志廉州合浦郡秦之象郡地吳改

為珠官荀子注書無絃字當作珣南越志石切形如龜脚得春雨則生花花似草花郭璞江賦石切應節而揚

華江淹石切賦序海人有食石切一名紫萐珎蛤類也春而發花按本草謂之石決明陶云俗傳是紫貝附石

生大者如手明耀五色內亦含珠團經曰石決明生南海或以為紫貝或以為鰓魚甲其正經云珠生南海石

泐明產出也蓋泐明即石劫今公詩以珠官石劫相對  
意亦相屬也邑志御亭吳大帝所創在今望亭市風土  
記云隋文帝至德元年置市并置堰開號望亭堰寰宇  
記云開皇九年於望亭置驛改為御亭驛庾信詩御亭  
一迴望風塵千里昏  
公詩意蓋取此二句

### 送李判官赴江東

舊唐書李承趙郡高邑人以舉  
明經高第充河南採訪使郭納

判官又淮南節度使崔圓請畱充判官累遷檢校  
刑部員外郎兼侍御史尋為淮南西道黜陟使改  
檢校工部尚書兼漳州刺史湖南都團練觀  
察使卒贈吏部尚書江東注五古送別題下

聞道皇華使方隨卓蓋臣封章通左語冠冕化文身樹

色分揚子潮聲滿富春遙知辨和璧恩到泣珠人

毛詩  
皇皇

者華按序以此詩為君遣使臣春秋內外傳皆云君教使臣前漢輿服志中二千石皆卓蓋朱兩轎續與服志景帝中元五年詔三百石以上卓布蓋千石以上卓繒覆蓋漢書趙充國屢奏封章劄向乃上封章以諫禮記五方之人言語不通蜀王本紀是時人民椎髻左語禮記東方曰夷被髮文身莊子越人斷髮文身漢書注周太伯避位斷髮文身應劭曰常在水中故文其身以身象龍子故不見傷害通典文身在倭國人體有文如獸其額上有三文文大直者貴文小曲者賤唐書地理志揚子望永淳元年析江都縣置屬淮南道漢書嚴光耕富春山注今杭州富陽縣也本漢富春縣避晉簡文帝鄭太后諱改曰富陽地理志富春江在富春縣南即浙江之上流韓子楚人卞和得玉璞於楚山獻厲王使玉人相之曰石也王以和為慢刖右足及武王即位又獻之復相曰石也刖左足及文王即位乃抱其璞而哭於楚山三日三夜泣盡繼之以血王使玉人治之得寶玉馬

名曰和氏之璧控神記南海之外有鮫人水居如魚不  
磨緝績其眼能泣泣則出珠博物志鮫人水底居出向  
人間寄住積日賣綃臨去從主人索器泣而出  
珠滿盤以與主人吳都賦淵客慷慨而泣珠

### 送封太守

忽解羊頭削聊馳熊首轡揚舲發夏口按節向吳門帆

映丹陽郭楓攢赤岸村百城多候吏露冕一何尊

淮南子羊

頭之銷許慎注銷生鐵也高誘注白羊子刀也鑄鐵不  
銷以羊頭骨灰制之以銷方言劔削關東謂之削史記  
注削刀室也七命銷踰羊頭後漢書與服志公卿乘安  
車倚鹿較伏熊軾注車前橫軾為伏熊之狀也漢書注  
如淳曰輻音反小車兩屏也師古曰據許慎李登說輻  
車之蔽也應劭曰車耳反出所以為藩屏翳塵泥以輦

為之或用革漢景帝命二千石車朱兩轆千石至六百  
石車朱左轆左傳注車之有障蔽者劉孝威詩揚舡濯  
錦頭左傳注漢水入口今夏口也後漢劉表傳注夏口  
今之鄂州也晉書桓沖曰夏口江河衝要宋書何尚之  
曰夏口在荆江之中正對沔口通接雍梁漢紀汲黯曰  
臣謹以按節發河內粟以賑饑民子虛賦按節未舒注  
按節猶弭節也漢書梅福去九江變名姓為吳市門卒  
或云吳門今有吳門鎮新語王子敬入會稽經吳門戰  
國策注今秣歸武徙枝江亦曰丹陽徐廣曰高帝所置  
江南者丹陽也宋書州郡志丹陽秦鄣郡治漢初屬吳  
國武帝元封二年為丹陽郡晉武帝太康二年丹陽移  
治建業括地志丹陽郡故在潤州江寧縣東南五里即  
今鎮江府岡經丹陽古雲陽縣也漢治宛陵晉治秣陵  
山多赤柳故名舊唐志丹陽漢曲阿縣又改名雲陽復  
為曲阿天寶元年改為丹陽縣江賦注赤岸山名在廣  
陵縣南兗州記瓜步山東五里江有赤岸山南臨江中

漓水自海入江衝激六七百里至此岸側其勢始衰南  
徐記春秋分朔輒有大漓至江城北激赤岸尤更猛迅  
並以赤岸在廣陵曹子建表南至赤岸羅含詩赤岸若  
朝霞後漢書黃琬拜豫州刺史威邁百城郭賀為荊州  
刺史帝賜三公之服使賀去襜  
露冕令百姓見之以彰有德

### 送邢桂州

唐書天寶三載畧陽公珍為嗣岐王珍  
與朱融善同謀逆融謂金吾將軍邢濟

曰今城草草關外近更憑陵若何濟曰我金吾天  
子押衙死生隨之安能自脫融乃引以見珍濟奏  
之乃令御史中丞敬羽訊之珍賜死乃以濟兼桂  
州都督侍御史充桂管防禦都使文粹有蕭昕送  
桂州刺史邢中丞序舊唐書桂州隋始安郡武德  
四年置通典桂州今理臨桂縣戰國秦為桂林二  
漢屬零陵蒼梧吳分置晉因之宋齊  
復為始安郡梁置桂州隋唐為桂州

鏡吹喧京口風波下洞庭赭圻將赤岸擊汰復揚舲日

落江湖白潮來天地青明珠歸合浦應逐使臣星

釋名鏡聲

鏡鏡也竹曰吹吹推也以氣推發其聲也唐書樂志凡鼓吹五曲部三鏡吹劉孝綽詩鏡吹臨風警後漢書吳大帝自吳徙於京復於京口置京督以鎮馬輿地考潤州漢初為荊國吳主孫權初鎮丹徒謂之京城國經其城因山為壘緣江為境齊梁以後並因之以至於陳京口常為重鎮中山經注今長沙巴陵縣西有洞庭陂潛伏通江長沙志洞庭之水滂為七百里楚辭順風波以從流兮上洞庭而下江月賦洞庭始波宋書沈攸之傳劉靈遣各率三千人赴赭圻舊唐志赭圻城長安四年移理青陽城宣州志赭圻城南陵西臨大江吳所置赭圻屯所也晉桓溫入朝詔止之遂城赭圻鎮馬楚辭乘舲船余上流兮齊吳榜以擊汰注舲船有牕戶汰水波

也士卒齊舉大楹而擊水波自揚去朝堂而入湖澤也  
史記孟嘗遷合浦太守郡不產穀而海出珠與交趾北  
境嘗通商販先守多貪穢珠漸徙於交趾界旅不至嘗  
到官革易前弊求珠利病去珠復還舊唐志合浦漢縣  
秦之象郡吳改為珠官隋改為合浦後漢書李邵善河  
圖風星和帝遣使徵服單行觀採風謠當到益部投邵  
候合時夏夕露坐邵因仰觀問二君發京師時寧知朝  
廷遣使耶二人驚問何以知之邵指星示云有二星向  
益州分野  
故知之耳

### 送梓州李使君

三體詩唐音並題作送東川李使君  
舊唐志梓州隋新城郡武德改

為梓州天寶改為梓潼乾元元年復為梓州後分  
蜀為東西川通典梓州今理鄭縣秦屬蜀郡二漢  
屬廣漢巴西二郡晉宋齊並屬廣漢梁末置新州  
隋改為梓州煬帝置新城郡大唐為梓州唐書李



叔明為楊國忠判官崔旰擾成都拜東川節度使  
徙治梓州叔明素豪侈在蜀殖財廣第舍田產毀  
數年子孫驕縱貲產俱盡世言多藏者以叔明為  
鑿云觀杜甫集送梓州李使君詩云老思筇竹杖  
冬要錦衾眠即  
此李梓州耳

萬壑樹參天千山響

一作響  
音聽

杜鵑山中一夜

一作半

雨樹

杪百重泉漢女輸橦

一作橦  
實同

布巴人訟芋田文翁翻教授

不敢倚先賢

兩雅杜鵑一名萬周頤越間曰怨鳥夜啼  
連旦血漬草木凡啼皆北向禽經江介曰

子規蜀右曰杜鵑張華注啼苦則自懸於樹自呼曰謝  
豹毛詩注漢女蜀之美女漢書南蠻傳大人輸布一匹  
小口二丈是謂寶布風俗通盤瓠之後輸布一匹二丈  
是謂寶布康君之巴氏出家布八丈說文云寶南蠻賦

晉食貨志云夷人輸賓布戶一匹遠者或一丈晉中興  
書康君之苗裔巴氏子秦并天下薄其稅賦巴人謂賦  
為賓因名巴賓蜀都賦奮之則賓旅又云布有西蜀棹  
華是也方輿勝覽云古者蠻夷無賦漢興始以口計賦  
輸賓布漢書注巴人巴州人也巴俞之人所謂賓人左  
傳巴人因之以伐楚史記張儀傳或巴人巴郡本因巴  
苴得名遂以苴為巴海內圖經伏羲後生巴人夏后啓  
之臣曰孟涂是司神於巴人請訟於孟涂之所蜀都賦  
瓜疇芋區漢書注跋鴟謂芋也有根可食而充糧故無  
饑年華陽國志汶山郡都安縣有大芋如蹲鴟也律髓  
風土詩多因送人之官及遠行指言其方所習俗之異  
清新雋永唐人如此類者極多如許棠云王租只貢金  
如周縣云官俸請丹砂皆是後漢書文翁廬江舒人也  
為蜀郡守仁愛好教化迺選郡縣小吏開敏有才者遣  
詣京師受業博士數歲蜀生皆成就還歸文翁以為右  
職官有至郡守刺史者又修起學宮於成都市中招下

縣子弟為除更錄高者以補郡縣吏次為孝弟力田常  
選學宮童子使在便坐受事每出行縣益從學官諸生  
明經飭行者與俱錄是大化蜀地舉於京師者比齊魯  
馬華陽國志蜀初少文教文翁為蜀郡太守立精舍學  
堂以勵其俗因是文教事興按舊解云文翁以教授化  
蜀誠先賢之高蹤也今李梓州以文翁為法是不使先  
賢專美於前矣此則於翻字及不敢意不相應耳嘗讀  
前漢地理志云文翁為蜀守教民讀書法令未能篤信  
道德反以好文譏刺貴慕權勢是文翁之為人紀在循  
吏似不可訾而班固志其事則未可倚以為法也故公  
意云如文翁之教授翻有好文刺譏貴慕權勢之事則  
不敢倚之為賢矣見李梓州不可倚之也夫曰不敢猶  
云不可及觀本傳載李梓州贖貨坐貶之事則如孟  
堅所云竟不能免是公逆知叔明末年之敗故不以頌  
而以  
規也

送楊長史赴果州

律髓長史下有濟字按楊濟新舊史無傳杜甫集得楊五長史

書云銅梁書遠及珠浦使將旆並言蜀地或即楊在蜀時所寄也舊唐志長史正第六品上階又長史字判諸曹親勳朔五府及武安武成等五十府之事果州注見前宴集題下

褒斜不容憾之子去何之鳥道一千里猿啼

一作聲

十二

時官橋祭酒客山木女郎祠別後同明月君應聽子規

西征賦注梁州記萬石城沂漢上七里有褒斜口南口曰褒北口曰斜釋名憾憲也禦熱也庾肩吾詩曲曲不容憾知命錄王摩詰詩云褒斜不容憾褒斜二谷名即今棧道是也爾雅疏之子者論五方之言是子也桃夭之子為嫁者之子漢廣之子則貞潔者之子東山之子言其妻白華之子斥幽王各隨其事而名之劉繪詩之

子去安極聽賦予去何之李陵詩遊子莫何之南中志  
鳥道四百里以其險獸猶無蹊特上有飛鳥之道耳漢  
書注上客曰祭酒李廣傳注加祭酒之號所以示優尊  
也凡官名祭酒皆一位之元長也古禮賓客得主人饌  
則一人舉酒以祭於地舊說以為示有先也禮食必祭  
先飲酒亦然必以席中之一人當祭耳後因以為官名  
水經注祁夷水西有隨山山上有神廟謂之女郎祠方  
俗所祠也又云漢水南有女郎山山上有女郎冢山上  
直路下出不生草木世人謂之女郎道下有女郎廟及  
搗衣石言張魯女也有小水北流入漢謂之女郎水謝  
靈運詩別後情更延月賦千里兮共明月成都記望帝  
死其魂化為鳥名曰子規時適三月子規鳥鳴故蜀人  
悲子規一作秭歸兩雅疏子嵩鳥出蜀中說文蜀王望  
帝化為子嵩今謂之子規是也揚雄傳注鷓鴣一名買  
鏡一名子規一名杜鵑律髓批云右  
丞詩入宋惟梅聖俞能及之可互看

送岐州源長史歸

公自注云同在崔常侍幕中時常侍已沒唐書源乾曜臨漳人

開元初郃王府吏犯法玄宗敕左右為王求才長

史太常卿姜皎薦乾曜擢少府少監兼郃王府長

史累進尚書左丞同紫微黃門平章事卒贈幽州

大都督蓋公與乾曜舊客常侍之門初崔公為散

騎常侍攝御史中丞公會為崔作謝賜物表祭牙

門姜將軍文讚佛文及西方變畫贊等見本集中

握手一相送心悲安可論秋風正蕭索客散孟嘗門故

驛通槐里長亭下槿原征西舊旌節從此向河源

燕武詩握

手一長歎史記孟嘗君太息歎曰文常好客遇客無所

敢失食客三千餘人客見文一日廢皆背文去唵臆雜

錄僧皎然重意例評曰重意以上皆文外之音若遇高

手如康樂公覽而察之但見情性不覩文字蓋詩道之

枉也二重意如王維詩秋風正蕭索客散孟嘗門又直  
用事第三格王維送別云秋風正蕭索云云資暇錄今  
見賓旅出主人之門必曰客散孟嘗門但風聞便用不  
尋其源使主人知其源必惡而不樂矣實為客去就不  
可不知也此是王右丞悲府主已沒之句上句云秋風  
正蕭索蓋痛其主人沒後同僚皆散其可用乎長安志  
槐里驛在咸陽郭下東至咸陽驛四十五里西至武功  
驛六十五里水經注章邯為雍王居槐里漢祖北定三  
秦引水灌城遂滅章邯改曰槐里即漢書所謂槐里環  
堵者也屬右扶風是今之鳳翔府哀江南賦十里五里  
長亭短亭五里一短亭十里一長亭也宋之問詩云人  
悲槐里月馬踏槿原霜以槐里對槿原頗與此聯相合  
文苑英華注云第二首槿原集作相原長楊賦靡節西  
征周禮司節道路用旌節鄭氏曰今使者所擁節也漢  
書音義節所杖信節也唐百官節度使初受辭勇賜雙  
旌雙節漢書自張騫使大夏之後窮河源西域傳河有

兩源一出蔥嶺山一出于閩其北流與蔥嶺河合東注  
蒲昌海南出於積石為中國河云吐蕃傳古所謂崑崙  
東距長安五千里河源其  
間流澄緩下稍合衆流也

送錢少府還藍田

錢少府即錢起也注  
見五古四時題下

草色日向好桃源人去稀手持平子賦目送老萊衣每

候山櫻發時同海燕歸今年寒食酒應得返柴扉

漢書張衡

游京師四十不仕順帝陶官用事欲歸田里故作歸田  
賦左傳宋華督見孔父之妻於路目逆而送之晉書張  
緒每朝見武帝目送之史記老萊子亦楚人也著書十  
五篇與孔子同時云戰國策云不聞老萊子之教孔子  
事君乎大戴禮云德恭而行信終日言不在悔尤之內  
貧而能樂蓋老萊子之行也烈士傳老萊子孝養二親



行年七十作嬰兒自娛著五色采衣嘗取漿上堂跌仆  
因卧地為小兒啼或弄鳥於親側文昌雜錄世說海外  
有鶯子至秋社乃去仲春復來昔年因京東開河岸崩  
見蟄鶯無數晉却鑿為兗州刺史饑或掘蟄鶯食之乃  
知鶯去亦蟄耳鶯蟄後中氣乃來非復度海也沈約詩  
山櫻發欲然荆楚歲時記去冬節一百五日即有疾風  
甚雨謂之寒食玉燭寶典寒食所杏仁為酪以錫沃之  
陸翽郭中記寒食三日為醴酪盧氏雜記寒食內宴宰  
相賜醪釀酒謝靈運詩假裝返柴荆

### 送方城韋明府

老圃亭愚管記方城者傳史諸書言之詳矣左傳屈完曰楚國方城

以為城連方城於許致方城之外於緡開葉在楚國方城方城以來楚注方城在漢南陽葉縣之境自此陽連百城號曰方城亦曰長城國語注方城楚北山戰國策注楚公邑號方城史記索隱曰楚

之南境是也呂氏春秋注方城楚之阨塞也尸子曰楚狂接輿耕於方城盛弘之荊州記曰葉東界有故城號曰方城郡國志曰葉縣有長城曰方城郭仲產曰因山以表名南都賦云廓方城以為鄘陳張正見賦鎮方城於漢水是也唐書地理志山南道領方城縣襄陽志春秋庸地有四方城其一也通典漢堵陽縣西魏置襄邑郡有方城山按韋明府者二史不載其行事意當時錢起卽士元集有送長沙韋明府律詩一章或其人也容齋隨筆唐人呼縣令為明府賓退錄唐人稱縣令曰明府漢人謂之明廷見范曄書張儉傳明府以稱太守如老叟稱劉寵劉翊稱种祜高獲稱鮑昱皆然不但此也龔遂傳王生曰明府且止顧有所白張堪傳主簿進曰明府位尊德重不宜自輕注郡守所居曰府明府者尊高之稱前書韓延壽為東郡太守門卒謂之明府亦其義也漢紀鍾皓曰明府必

欲得其人西  
門陳寔是也

遙思葭蕩際寥落楚人行高鳥長淮水平蕪故郢城使

車聽雉乳縣鼓應雞鳴若見州從事無嫌手板迎

平平寫到

盡○毛詩葭蕩揭揭注葭蘆也亦謂之荻爾雅葭葦也  
葭蘆也一名華葦至秋堅成謂之荻葦詩傳葭蘆也蘆  
之初生則毛意亦以葭蕩為一草也東都賦外豐葭蕩  
文子高鳥盡而良弓藏陶潛詩望雲慚高鳥文獻通考  
自河之南長淮之北皆為魏有宋書鮑照見故城蕪荒  
乃吳王淝所都遂作蕪城賦左傳楚子囊謂子庚必城  
郢前漢南郡江陵故楚郢都楚文王自丹陽徙此後九  
世平王城之後十世秦拔楚郢徙東郢戰國策注昭王  
徙郢所謂故郢又楚文都南郢即江陵又謂故郢通典  
江陵縣界有故郢城水經注子囊遺言所築城也周禮

馭夫掌使車注駮逆之車漢書侯霸為臨淮大尹詔徵  
百姓遮使車乞留漢紀郭丹入關歎曰不乘使者車不  
復出門後漢輿服志大使車小使車諸使車續漢志諸  
使車皆朱兆輪四輻赤銜軹漢書魯恭拜中牟令河南  
尹袁安聞之疑其不實使仁恕掾肥親往廉之恭隨行  
阡陌俱坐桑下有雉遇止其旁旁有小兒童親曰兒何  
不捕之兒言雉方將雛親瞿然而起與恭曰所以來者  
欲察君之政蹟今蟲不犯境此一異也化及鳥獸此二  
異也豎子有仁心此三異也還府具以狀白安隋書樂  
志周人縣之謂之懸鼓晉書鄧攸守吳去郡不受一錢  
百姓牽畜攸船夜中發去吳人歌之曰統如打五鼓雞  
鳴天欲曙鄧攸挽不畱謝令推不去謝承書州別駕從  
事車前舊有屏星晉書王導為揚州辟從事顧和為下  
傳還同時俱見諸從事徐廣車服儀制笏即手板也漢  
魏以來皆執手板隋書禮儀志禮圖云度二尺有六寸  
中博二寸其殺六分去一晉宋以來謂之手板輿服雜

事應仲遠云昔荆軻逐秦王其後謁者持匕首以備不虞從此侍官皆執刀劍漢高祖偃武修文始制以手板代馬故仲長子曰笏以書君教令記善刺過今之手版以象馬

### 送丘為往唐州

唐書藝文志丘為蕪州嘉興人事繼母孝常有靈芝生堂下累官太

子右庶子及居憂觀察使韓滉以致仕官給祿所以惠養老臣不可在喪為異初還鄉縣令謁之為侯門罄折令坐乃拜里胥立庭下既出乃敢坐經縣署降馬而趨卒年九十六史記索隱唐本堯後封在夏墟而都于鄂及成王滅唐分徙之於許郢之間即今之唐州也輿地考唐州春秋楚地戰國時屬韓秦漢並南郡地晉屬南陽後魏置東荊州西魏改為淮州隋改為顯州唐為唐州屬山南道

宛洛有風塵君行多苦辛四愁連漢水百口寄隨人槐

色陰清畫楊花惹暮春朝端肯相送天子繡衣臣

漢書南陽

郡宛縣故申伯國光武起於宛都於洛陽遂以宛為南  
都故曰宛洛通典襄陽北接宛洛謝眺詩宛洛佳遊遊  
注宛南陽也洛洛陽也古詩輶軻長苦辛樂府遺聲怨  
思二十五曲有四愁張衡為四愁詩依屈原以美人為  
君子以珍寶為仁義以水深雪零為小人思以道術相  
報貽於時君而懼讒邪不得以通海內東經漢水出鮒  
魚之山東經襄陽至江夏安陸縣入江晉書周顛傳伯  
仁以百口累卿孫盛傳請為百口計升菴詩話王右丞  
詩楊花惹暮春李長吉詩古竹老梢惹碧雲溫庭筠暖  
香惹夢鴛鴦錦孫光憲六宮眉黛惹春愁用惹字凡四  
皆絕妙謝安疏尸素朝端沈約碑允副朝端後漢書注  
武帝置繡衣御史王莽改御史曰執法故曰繡衣執法  
也百官表御史長史侍御史有繡衣直指出討姦猾沈  
約云繡衣御史光武省順帝復置通典云衣以繡者尊

寵之也

送丘為落第歸江東

丘為注見前首題下  
江東注見五古題下

憐君不得意況復柳條春為客黃金盡還家白髮新五

湖三晦宅

一作地

萬里一歸

一作行

人知爾

紀事唐音  
並作爾

不能

薦羞稱

一作又作看

獻納臣

史記虞卿傳不得意乃著書漢書崔駰自以遠去不得意劉長

卿題江亭云憐君不得意川谷自逶迤與公首句正同

大雷書去親為客戰國策蘇秦說秦黑貂之裘敝黃金

百斤盡宋唐庚詩桂玉黃金盡風埃白髮新殆做此聯

周禮揚州其浸五湖一名具區其派有五故曰五湖一

名震澤一名笠澤張勃吳錄五湖者太湖之別名以其

周行五百里三萬六千頃故以五湖名義興記太湖射

湖貴湖陽湖洮湖為五湖鄺元水經謂長蕩湖射貴湖  
上湖滬湖太湖為五湖韋昭謂胥湖蠡湖洮湖陽湖太  
湖為五湖史正義云菱湖游湖莫湖貢湖葺湖皆太湖  
東岸五灣為五湖虞翻云太湖有五道東通長洲松江  
南通安吉雲溪西通宜興荆溪北通晉陵滬湖西南通  
嘉興非溪陸龜蒙云太湖上稟咸池一水而五名二說  
為近後漢書范滂子建自田種置宅三晦時人美之淮  
南子云任一人之能不足以治三晦之宅唐戴叔倫詩  
亦云五湖三晦宅萬里一人歸見萬花谷詩人玉屑以  
五湖二句謂之連珠體又作沈佺期詩對林夜話若萬  
里八九月一身西北風七千里外一家住十二峯前十  
二行行旅之作也上聯則沈佺期五湖三畝宅萬里一  
歸人下聯則柳子厚一十年前南渡客四千里外北歸  
人詩家直說李林甫瓊岳應制曰雲收二華出天轉五  
星來十月農初罷三駟禮後開兩聯皆用數目字不可  
法王摩詰送丘為曰五湖三晦宅云云此聯疊用數目



字不為病也唐書武后初置厯以受四方之言謂之理  
厯使百官志天寶九載玄宗以厯聲近鬼改理厯使為  
獻納使唐制獻納使掌受封事以獻天子兩都賦日月  
獻納潘岳詩愧無獻納優古堂詩話韓子蒼送王稅詩  
末章云虛作西清老從臣知禍才華不能舉王摩  
詰送丘為云知禍不能薦則知宋刻俱作禍字矣

### 送嚴秀才還蜀

唐書選舉志詔諸州明經秀才明  
於理體為鄉里稱者縣考試州長

重覆歲隨方物入貢

其科有六一曰秀才

### 寧親為

一作真

### 令子似舅即賢甥別路經花縣還鄉入錦

### 城山臨青塞斷江向白雲平獻賦何時至明君憶長卿

顏延之策文孝達寧親注毛萇曰父母在則有時歸寧  
宗書褚淵嘗謂任昉父遙曰聞卿有令子世說新語桓

豹奴王丹陽外甥形似其舅桓甚諱之晉書桓立曰何  
無忌劉牢之甥酷似其舅又潘岳為河陽令植桃李  
花人號為河陽一縣花漢書武帝謂朱買臣曰衣錦還  
鄉華陽國志成都道四城故錦官也錦工織錦濯於江  
中則鮮明濯他江則不如故命曰錦里城益州記錦城  
則州南笮橋東江南岸張儀所築成都記云錦里城呼  
為錦城以江山明麗錯雜如錦漢書司馬相如字長卿  
蜀郡人也遊梁時著子虛梁孝王薨歸成都久之後蜀  
人楊得意侍武帝嘗讀子虛賦而善之曰朕獨不得與  
此人同時哉得意曰臣邑人司馬相如自言為此賦上  
驚乃召問相如相如曰此乃諸侯之事不足觀請為天  
子游獵之賦以子虛虛言也為楚稱烏有先生者烏有此事  
也為齊難亡是公者亡是人也明  
天子之義故空藉此三人為辭

# 送孫秀才

唐詩紀事作王縉詩前四句言帝城  
侈富之習後四句言田家苦寒之事

帝城風

一作春

日好沉復建平家玉枕雙文

一作紋

簞金盤

五色瓜山中無

一作沽

魯酒松下飯胡麻莫厭田家苦歸

期遠復賒

東觀漢記拜鄧伋潁川太守帝勞之曰賢能太守去帝城不遠何遜詩帝城猶隱約梁書

宋建平王景素好士江淹隨在南兗州意孫秀才託於

諸王之家故公借建平以比之拾遺記魏明帝檢寶庫

中得一玉虎頭枕眼有傷血痕尚溫帝該古博文云漢

誅梁冀得一玉虎頭枕云單池國所獻檢其額下有篆

書云是帝辛之枕嘗與姐已同枕之是殷時遺寶也東

宮舊事有烏韜赤花雙文簞古辭玉枕龍鬚席晉書劉

穆之為丹陽尹令厨人以金盤貯檳榔史記故秦時東

陵侯種瓜於青門外瓜有五色故阮籍詩注子母五色

俱謂瓜也述異記吳桓王時會稽生五色瓜吳中有五

色瓜歲充貢賦莊子楚會諸侯魯趙俱獻酒於楚王魯

酒薄而趙酒厚楚王主酒吏求酒於趙趙不與吏怒乃以趙厚酒易魯薄酒奏之楚王以趙酒薄故園邯鄲也

園經胡麻莖方者名巨勝圓者名胡麻其實作角八稜

者名巨勝六稜四稜者名胡麻廣雅曰苴藤茲胡麻也

抱朴子胡麻其葉名青囊筆談胡麻直是今油麻張騫

始使大宛得油麻種亦謂之麻故以胡別之謂漢麻為

大麻齊諧記後明帝永平中剡縣有劉晨阮肇入天台

山采藥迷失道路糧盡下山得澗水飲之中有胡麻飯

屑二人因遇水度一山出大溪見二女顏色絕妙便喚

姓名直問郎惜來何晚因邀過家下胡麻飯楊惲書田

家作苦陶潛詩

田家豈不苦

### 送崔九興宗遊蜀

唐詩紀事錄此詩  
載入崔興宗詩後

送君從此去轉覺故人稀徒御猶回首田園方掩扉出

門當旅食中路授寒衣江漢風流地遊人何處一作歸

毛詩注徒步卒也御車御也顏延年詩隱憫徒御悲儀

禮尊士旅食於門魏文帝書旅食南館江孝嗣詩終朝

傷旅食說苑孔子行遊中路毛詩

九月授衣謝瞻詩風至授寒服

### 送崔興宗

已恨親皆遠誰憐友復稀君王未西顧遊宦盡東歸寒

迴一作山河淨天長雲樹微方同菊花節相待洛陽扉

左傳祈父曰其予君王哉沈約詩君王挺逸翅毛詩乃

眷西顧後漢書光武曰無復西顧之憂魏志太祖曰朝

廷無西顧之憂漢書薄昭曰亡之諸侯遊宦事人

陸機詩遊宦久不歸史記韓信曰思東歸之士

送張五諲歸宣城

張諲注見五古獻贈題下舊唐志宣城漢宛陵縣屬丹陽郡秦

屬漳郡梁置南豫州隋改為宣州煬帝又改為宣城

郡貞觀元年以秋浦南陵二縣來屬開元中析

置青陽太平寧國三縣

天寶元年改為宣城郡

五湖千萬里沉復五湖西漁浦南陵郭人家春穀溪欲

歸江淼淼未到草淒淒

最是

憶想蘭陵鎮可宜猿更啼

五湖注見前首地理志五湖在寧國北四里源出千秋

嶺北流入寧國溪至宣城入江隋書南陵梁置併置南

陵郡陳置北江州平陳州郡並廢并所管石城臨城定陵

故治南陵五縣入馬唐書地理志南陵望屬宣州本漢

丹陽郡春穀縣地晉孝武改為陽穀縣故宣州有春穀

城漢書丹陽郡有春穀縣晉書地理志宣城郡春穀孝

武改春為陽元帝渡江以春穀縣僑立襄城郡水經注江連春穀縣北又合春穀水也故謝朓有溪流春穀泉之句謝朓詩蒼江忽渺渺毛詩葦葦齊書蕭緬佛蕭何居沛至孫侍中彪居東海蘭陵縣東都晉分東海為東蘭陵郡中朝亂淮陰令慙過江居晉陵武進縣偽置本上加以南蘭陵

### 送崔三往密州覲省

前漢書注密姬姓之國見世本密須今安定陰密是也即

春秋僖六年圍新密者地理志密州在鈞州城西北本古密國漢屬河南晉屬滎陽隋屬鄭州唐始

於密縣

置密州

南陌去悠悠東郊不少畱同懷扇枕戀獨念

一作解

倚門

愁路遠天山雪家臨海樹秋魯連功未報且莫蹈滄州

沈約詩洛陽南陌頭毛詩悠悠南行尚書命畢公保釐  
東郊楚辭曾不得乎少留漢書黃香事父盡孝暑則扇  
枕席寒則以身溫被倚門事注見前首白樂天敘遠離  
曰扇枕之戀倚門之思殆本諸此西域傳天山常有雪  
一名雪山一名太白山以四時有雪也史記索隱祁連  
山即天山在張掖酒泉二郡西河舊事白山冬夏有雪  
匈奴謂之天山也唐書地理志去陽關二千七百三十  
里有折羅漫山亦曰天山元和志於張掖縣既著祁連  
山矣而伊西庭又云甘肅州有此山則自是甘肅張掖  
而西至於庭州相去三千五百里而天山皆能周徧  
其地矣陝通志伊吾郡有天山高十五里廣六十里冬  
夏積雪不消一名雪山匈奴過之皆下馬拜漢遣貳師  
將軍將三萬騎出酒泉擊右賢王於天山即此也緯畧  
單于幽蘇武雨大雪武卧窟雪與毳毛并咽之段穎破  
羌晝夜食雪四十日陳荆詩食雪山天山近思歸海路長  
王維詩路遠天山雪家臨海樹秋溫庭筠詩紅淚文姬



洛水春白頭，燕武天山雪。三詩皆用燕武事，史記齊田單攻聊城，歲餘不下，魯仲連乃為書約矢以射城中，遺燕將，燕將見書泣三日，乃自殺。聊城亂，田單遂都聊城，歸每言仲連欲爵之，仲連逃隱於海上，曰：吾與富貴而誑於人，寧貧賤而輕世肆志。馬魏將軍新垣衍說趙使尊秦為帝，仲連曰：彼秦者，棄禮義而上首功之國也。即肆然而為帝，則連有蹈東海而死耳。吾不忍為之氓。

## 送孫二

郊外一作郭誰相一作將送夫君道術親，書生鄒魯客才子。

洛陽人祖席，依寒草行軍起。一作薄暮塵山川何一作向寂。

寔長望，淚霑巾。爾雅：郊外謂之牧。楚辭：望夫君兮未來。注記曰：夫夫是也。漢書：劉向傳：道術通。

明劉歆曰道術由是遂滅史記貨殖傳鄒魯俗好儒備於禮鄒陽傳鄒魯守經學漢書韋賢魯國鄒人以詩教授號鄒魯大儒史記賈誼傳洛陽之人最年少西征賦賈生洛陽之才子毛詩注祖將去而犯較既覲而反國必祖者尊其所往去則如始行焉漢書荀彧傳共工氏曰修好遠遊祀以為神祖漢以午日祖別賦見行塵之時起曹植哀辭淚流射而霑中張衡詩側身北望涕霑巾

送友人南歸

萬里春應盡三江鴈亦稀

一作飛

連天漢水廣孤客郢城

歸鄒

一作郎

國稻苗秀楚人菰米

一作葉

肥懸知倚門望

遙識老萊衣

盡謝點染情思蕭然○尚書三江既入注妻江東江松江也周禮疏東行至揚州入

彭蠡復分為三道而入海故揚州有三江也越語吳三  
江環之戰國策還為越王禽於三江之浦漢書地理志  
岷江為大江至九江為中江至徐陵為北江蓋一源而  
三月史記正義自西南上太湖名松江古笠澤江自東  
南上至規湖名上江亦曰東江自東北入海名下江亦  
曰婁江山海經巴陵縣有洞庭波瀟湘沅水皆共會巴  
陵故號三江口三湘蓋謂三江也水經注三江者岷江  
松江浙江也韋昭又以松江溯江浦陽江為三江郡國  
志岷江為西江澧江為中江湖湘為南江山海經嶠冢  
之山漢水出焉而東南流注於江前漢地理志郡國志  
並言漢有二源東出氏道西出西縣之嶠冢山毛詩漢  
之廣矣曹植賦思孤客之可悲謝靈運詩孤客傷浙端  
前漢地理志郢城楚別邑故郢莽曰郢亭舊唐志江陵  
漢縣南郡治所也故楚都之郢城今縣北十里紀南城  
是也唐張祐思歸樂詩云萬里春應盡三江鴈亦稀連  
天漢水廣孤客未言歸與公前四句正同樂府詩集唐

音品彙並作祐詩又韋承慶送友人南歸詩云萬里人  
南去三春鴈北飛不知何歲月得與爾同歸此絕句與  
公前四句亦相類萬首絕句亦收此四句又題云南行  
送弟英華作南中詠鴈詩陰臆雜錄歷代詩譜敎孟浩  
然云連天漢水廣孤客郢城歸則又以為孟詩矣水經  
注竟陵古鄖國也鄖公辛所治按楚語昭王奔鄖鄖公  
之弟懷將殺王鄖公莘止之注云鄖楚邑也說文漢中  
有鄖閭李奇以為古鄖子國一云江夏古漢南之國春  
秋楚鄖公鍾儀邑也物理論稻者乃稷之總名周禮揚  
州荊州其穀宜稻春秋運斗樞生為苗秀為禾本草菰  
生水中央如蒲葦又謂茭白其歲久者中心生白莖如  
小兒臂謂之菰朱鼠璞俗說母之望子曰倚門按戰國  
策王孫賈事閔王走失王之所其母曰女朝出而晚來  
則吾倚門望女莫出而不還吾倚閭望女朝暮之出入  
固可言倚門若出稍久當言倚閭蓋門不可久倚故也  
今人但用倚門事豈以莫出不還為俗忌耶列士傳老

萊子事二親行年七十作  
嬰孩自娛著五色彩衣

送趙都督赴代州

劉校本注云得青字唐書趙國珍天寶中以軍功累遷都督兼

本營經畧等使唐百官志武德七年改總管曰都督從二品掌督諸州兵馬甲械城隍鎮戍糧廩總判府事又景龍二年置都督二十四人察刺史以下善惡舊唐志代州中都督府隋改為鴈門武德元年置代總管天寶元年改為鴈門郡依舊為都督府乾元元年復為代州

天官動將星漢上

一作地

柳條青萬里鳴刁斗三軍出井

徑忘身辭鳳闕報國取龍庭豈學書生輩牕間

一作中

老

一經

春秋元命苞上天一星即將史歷書東井西曲星曰越白集金方之氣凝為將星隋書天文志天將

軍十二星在婁北主武兵中央大星天之將也大將  
星搖則兵起史記李廣傳注方言無升謂之刁斗孟康  
曰古者軍行以銅作鑊器受一斗晝炊飯食夜擊持行  
名曰刁斗荀悅云刁斗小鈴如宮中傳夜鈴也蘇林曰  
形如銷無緣受一斗故名刁斗銅馬鑊即鈴也埤蒼云  
鑊溫器有柄斗似鈹無緣音譙穀梁傳諸侯上國三軍  
白虎通三軍者何法天地人也史記韓信傳信與張耳  
以兵數萬欲東下井陘擊趙趙王成安君陳餘聚兵井  
陘口號二十萬韓信選輕騎二千人持一赤幟戒曰  
趙見我走必空壁逐我若疾入拔趙旗幟立漢幟乃使  
萬人先行出背水陣平旦信建大將旗鼓鼓行出井陘  
口趙開壁逐之戰良久信耳棄旗鼓走水上軍軍皆殊  
死戰破虜趙軍漢書注服虔曰井陘在常山師古曰陘  
音形趙之西界山險道也索隱曰穆天子傳云至於陘  
山之隧是也括地志井陘故關在井州石艾縣陘東十  
八里即井陘口也唐志井陘漢縣義寧元年置地理通

釋井陘在真定府井陘縣東南八十里四面高平中下  
似井故名之司馬穰苴曰援桴鼓之急則忘其身史記  
建章宮其東則鳳闕三輔故事北有園闕高二十丈上  
有銅鳳凰故曰鳳闕三輔黃圖武帝營建章左鳳闕三  
秦記曰栢梁臺上有銅鳳名鳳闕西都賦曰設壁門之  
鳳闕上觚稜而棲金爵金爵則銅鳳也繁欽賦序曰唯  
建章鳳闕聳然獨存隋虞羽客詩輕生辭鳳闕後漢書  
楊賜傳累世見寵無以報國燕然山銘焚老上之龍庭  
注老上單于五月大會龍庭祭其先天地鬼神漢書韋玄  
成傳鄒魯諺曰遠子黃金滿籬不如一經鮑照詩豎儒  
守一經唐諱用之詩莫學  
區區老一經蓋做公落句

### 送宇文三赴河西充行軍司馬

按岑參集武威暮春聞宇文判官西

使還及寄宇文判官又初過隴山呈宇文判官詩  
共三首即其人也唐書地理志河西節度使治在

涼州又云自黃河以西為河西道隋書行軍司馬文帝置以尚書左丞為行軍司馬百官志行軍司

馬掌弼戎政居則習蒐狩有役則申戰守之法器械糧糈軍籍賜予皆專焉

橫吹

一作笛

雜繁笳邊風捲塞沙還聞田司馬更逐李輕

車蒲類

一作聖

成秦地莎車

一作居

屬漢家當令犬戎國朝

聘學昆邪

古今注橫吹胡樂也張博望入西域傳其法隋書樂志大橫吹二十九曲供大駕九曲供

皇太子七曲供王公其樂器有角節鼓笛簫箏箏桃

皮箏箏小橫吹十二曲供大駕夜警則十二曲俱用其

樂器有角笛簫箏箏桃皮箏箏唐書樂志凡鼓吹五

曲部四大橫吹五小橫吹前漢書田廣明以郎為天水

司馬功次遷河南都尉昭帝時將兵擊益州還賜爵關

內侯史記初李廣之從弟李蔡與廣俱事孝文帝景帝



時蔡積功勞至二千石以元朔元年為輕車將軍鮑昭  
詩始隨張校尉後逐李輕車庾信詩輕車飛逐李定遠  
來隨班後漢書西域傳燉煌太守張璠上書北虜呼行  
王常展轉蒲類秦海之間注大秦國在西海西故曰秦  
海也水經河水一源出於閩南山下北流與蔥嶺河合  
又東注蒲昌海即蒲類也晉灼曰蒲類海在西域近天  
山又號阿惡國按傳云在燉煌北其地有蒲類澤章懷  
曰今名娑悉海索隱曰廣志云蒲類海在蒲昌海西通  
志蒲類一名鹽澤去玉門陽關三百餘里廣袤三百里  
其水冬夏不增減一名娑惜海漢班超將兵擊伊吾於  
蒲類海是也西域傳莎車國西經蒲犁無雷西域唯莎  
車王延最彊不肯附屬天鳳五年延死康代立檄書河  
西問中國動靜自陳思慕漢家建武五年河西大將軍  
竇融乃承制立康為漢莎車建功懷德王西域大都護  
五十五國皆屬焉國語注犬戎西戎之別名在荒服史  
記周本紀犬戎氏以其職來王後漢書南蠻傳昔高辛

氏有犬戎之寇帝患其侵暴乃訪募有能得犬戎之將  
妻以少女帝有蓄狗其毛五采名曰繫瓠下令之後繫  
瓠遂銜人頭造闕下乃吳將軍首也帝大喜乃以女配  
繫瓠今長沙武陵蠻是也匈奴傳周西伯昌伐畎夷注  
即犬戎也又曰昆夷或作混亦曰犬戎山海經黃帝生  
苗龍苗龍生融吾融吾生并明并明生白犬白犬有牝  
牡是為犬戎說文赤戎本犬種故字從犬隴以西有畎  
戎匈奴傳秋單于怒昆邪王休屠王居西方為漢使所  
殺虜數萬人欲召誅之昆邪休屠王恐謀降漢漢使驃  
騎將軍迎之昆邪王殺休屠王并將其衆降漢置五屬  
國以處之以其地  
為武威酒泉郡

### 送劉司直赴安西

唐書百官志司直二人正七品  
上掌糾劾宮僚及率府之兵地

理志隴右道安西大都護府初治西州顯慶二年  
平賀魯置州縣西盡波斯國皆隸安西又徙治高

昌故地三年徙治龜茲都督府而故府復為西州  
至德元年更名鎮西後復為安西通典安西都護  
府本龜茲國唐貞觀中置都護府於西州顯慶中  
移治龜茲東接焉耆西連疏勒南鄰吐蕃北拒突  
厥

絕域陽關道胡沙

一作煙

與塞塵三春時有鴈萬里少行

人首宿隨天馬蒲萄逐漢臣當令外國懼不敢覓和親

無意之意。漢書詔求才可使絕域路溫舒傳請使絕  
域劉向疏出百死入絕域西域傳匈奴之西烏孫之南  
南北有大山中有河東則接漢阮以玉門陽關皆在燉煌壽昌  
以蔥嶺廣輿記唐鄭處誨曰玉門陽關皆在燉煌壽昌  
縣通典漢龍勒縣也玉門在縣之北陽關在玉門之南  
故曰陽一陽而設兩關者自此趨西域有南北道故也

樂府胡沙沒馬足史記苜蓿一名光風生蜀賓國爾雅  
翼似灰藿今謂之鸛頂貳師伐宛將種歸中國西京雜  
記樂遊苑中自生玫瑰樹下多苜蓿一名懷風時或為  
之光風風在其間常肅肅然照其花有光彩故名苜蓿  
為懷風茂陵人謂之連枝草大宛傳大宛多善馬馬汗  
血其先天馬子也漢書音義生駒汗馬因號曰天馬子  
漢元鼎四年秋馬生渥洼中作天馬之歌太初四年春  
貳師將軍李廣利斬大宛王首獲汗馬來作西極天馬  
之歌樂書初天子發書易曰神馬當從西北來張騫還  
得烏孫馬好名曰天馬及得大宛汗血馬益壯更名烏  
孫馬曰西極馬名大宛馬曰天馬云漢書無雷國賓  
國皆有蒲萄應劭曰大宛以蒲萄為酒富人藏酒至萬  
餘石久者經數十歲不改漢使求蒲萄種歸天子種之  
離宮別館之旁雜俎蒲萄出於大宛張騫所至有黃白  
黑三種六帖李廣為貳師將軍破大宛得蒲萄種歸漢  
園經蒲萄生隴西五原燉煌山谷今河東及近京州郡

皆有之苗作藤蔓而極長綿被山谷中花極細而黃白色其實有紫白二色皆七月八月熟取其汁可以釀酒皎然詩式有事無事第四格王維送劉司直云首蓿隨天馬蒲萄逐漢臣是也匈奴傳使者爭言外國利害劉敬傳上竟不能遣長公主而取家人子名為長公主妻單于使劉敬往結和親約

### 送張判官赴河西

單車曾出塞報國敢邀勳見逐張征虜今思霍冠軍沙

平連白雪蓬卷入黃雲慷慨倚長劍高歌一送君

漢書龔遂

傳單車獨行至府皇甫規疏備單車一介之使三國志張飛傳以飛為宜都太守征虜將軍後張闓亦為之宋書百官志征虜將軍後漢建武中始以祭遵為之後張飛亦為之通志畧征虜等將軍宋齊以來唯處諸王素

族無為者史記索隱地理志冠軍屬河陽衛青傳以二千五百戶封去病為冠軍侯師古曰冠軍言其在諸軍之上漢書地理志冠軍武帝置通志畧史記楚帝以宋義為卿子冠軍漢武帝以霍去病功冠三軍封冠軍侯之名自此始也慷慨注見五古送別宋王大言賦長劍倚天外北征賦撫長劍以慨息兮

送平淡

一作澹

然判官

淡然二史無傳意玄宗朝平列即其人也文苑英華載盧

象送平判官入秦詩云謫遠自安命三年已志歸同聲願執手驛騎到門扉云是帝卿去軍書謁紫微曾為金馬客向日淚沾衣一作恭母潛詩此詩或在平還朝時作

不識陽關路新從定遠侯黃雲斷春色畫角起

一作

邊

愁瀚海經年到

一作別

交河出塞流須令外國使知

一作只

飲月支頭

陽關注見前首庚信詩陽關萬里路漢書班超傳超扶風平陵人家貧常為官傭書乃投

筆歎曰大丈夫無他志畧猶當效傳介子張騫立功異

域以取封侯安能久事筆研乎後實固出擊匈奴以超

為假司馬將兵別擊伊吾戰於蒲類海多斬首虜而深

平定西域五十餘國皆納質內屬明年下詔封超為定

遠侯邑千戶水經注定遠本西鄉縣治也城即定遠矣

漢順帝封班超以漢中南鄭縣之西鄉為定遠侯即此

也淮南子黃泉之垓上有黃雲江淹詩黃雲蔽千里畫

角注見五古旅思史記索隱按崔浩云北海名羣鳥之

所解羽故云瀚海廣志在沙漠北揚雄諫書云禪于始

行以臨瀚海是也舊唐志瀚海軍開元中蓋嘉運置在

北庭都護府漢書西域傳車師前國王治交河城河水

分流繞城下故號交河又見侯應傳括地志交河城去

長安八千一百五十里故城在今西州交河縣通志交河去京九千三百里城北三源一源出東北五里一源出正北五里一源出西北五里去城百步三河合流又分流城之四圍故曰交河史記張騫鑿空其後使往者皆稱博望侯以為質於外國大宛傳大月氏在大宛西可二千里居媯水北其南則大夏西則安息北則康居行國也至匈奴老上單于殺月氏王以其頭為飲器漢紀大月氏本匈奴同俗居燉煌祈連山間匈奴老上單于殺月氏王以其頭為飲器月氏乃遠去西過大宛

### 送李員外賢郎

李員外或名布按杜甫集寄李十員外云巫峽將之郡荆門好附

書蓋員外仕蜀而其子時往省覲故公作此送之耳

少年何處去負米上銅梁借問阿戎父知為童子郎魚



牋請詩賦撞布作衣裳蓋以扶衰病歸來幸可將

家語昔者

由也為親百里負米括地志銅梁本巴國地楚襄王滅巴封其子為銅梁侯於此秦漢為墊江縣西魏為石鏡

縣唐長安中始置銅梁縣地理通釋銅梁在合州石照

縣南五里唐石鏡縣蜀都賦外員銅梁宕渠劉孝威詩

銅梁不可攀晉書王戎傳阮籍素與渾為友戎年十五

隨渾在郎舍籍每適渾俄頃輒去過視戎良久然後出

謂渾曰潘沖清賞非卿論共卿言不如共阿戎談後漢

書左雄並奏童子郎注漢法孝廉試經者拜為郎年幼

才雋者拜童子郎漢書司馬朗十二試經為童子郎黃

琬以瓊孫為童子郎臧洪年十五以父功拜童子郎又

云蔡倫乃造意用魚網為紙梁益記居人多造綠箋國

史補紙之妙者則越之剡藤苕箋蜀之麻面薛骨金花

魚子十色箋也李肇翰林志唐初將相官告用銷金箋

及金鳳紙書之餘皆魚箋花箋蕪易簡紙譜蜀人造十

色紙其文謂之魚子箋漢書注種花花柔毳可績為布蜀都賦布有種花說文南蠻賦也歲令大人輸布一匹小口二丈謂之實漢書馬援為交趾太守出蔥苴可治瘴氣遂取一車將還本草蔥苴久服輕身益氣

送賀遂員外甥

南國有歸舟荆門泝上流蒼茫葭茨外雲水與

一作昭

丘橋帶城烏去江連暮雨愁猿聲不可聽莫待楚山秋

毛詩南國之紀國語注南國江漢之間也楚辭注南國江南也荆門注見前酬寄毛詩溯流從之爾雅逆流而上曰泝左傳楚司馬子魚曰我得上流注順江而下史記項羽傳注游或作流居水之上流也亦書張興世乃令輕舸泝流而上曰上流葭茨注見前登樓賦西接昭丘注楚莊王墓也荆州圖又云楚昭王墓水經注楚昭

王墓東對麥城故王仲宣賦云西接昭丘是也庾信詩  
客行明月峽猿聲不可聞孟浩然詩清猿不可聽沿月  
下湘流皇甫冉詩清猿不可聽  
偏在九秋中語句俱與公類

### 戲題示蕭氏外甥

憐爾解臨池渠爺未學詩老夫何足似弊宅倘因之蘆

笋藏荷葉菱花骨鴈兒都公不易勝莫著外家欺

晉書  
衛恒

傳張伯英臨池學書池水盡黑何遜詩八體妙臨池演  
繁露後世呼父不曰父而轉其音曰爺又曰爹雖宮禁  
稱呼亦同其音故竇懷正為國爺是也唐人草機亦曰  
致赤子之流離自朱耶之板蕩也案唐韻爹羌人呼父  
也爺陟耶反案德宗貞元六年回紇可汗曰惟仰食於  
阿多史釋之曰虜呼父為阿多則是正名為多不名為

爺也今人不以貴賤呼父皆為耶蓋傳襲已久矣左傳  
趙孟曰老夫罪戾是懼禮記自稱曰老夫何足似注見  
前晉書魏舒少孤為外家甯氏所養甯氏起宅相者曰  
當出貴甥舒曰當為外氏成此宅相北史王褒七歲外  
祖袁昂愛之曰此兒當成吾宅相三國典要晉李濟神  
清朗俊邢晏曰宅相之寄良在三甥釋常談外甥謂之  
宅相魏舒云後位至晉卿果如宅相者之言因呼外  
甥為宅相爾雅注今江東人呼蘆笋為蘆緯畧漢書太液  
池鳧雛鴈子布滿充積用鴈子甚佳王維詩蘆笋藏荷  
葉菱花背鴈兒此用鴈兒又新晉書王獻之兄弟自都  
起未亡見却惜嘗躡履問訊甚修舅甥之禮及起死見  
惜怠慢皆著高履而候之惜每慨然歎曰使嘉賓不死  
鼠子敢爾耶世說新語作鼠輩後漢書  
王符傳安定俗鄙庶孽而符無外家

### 畱別錢起

文苑英華題云晚歸藍田酬中書常舍  
人贈別或作錢起詩題云晚歸藍田酬

王維  
給事

卑棲却得性每與白雲歸  
徇祿仍懷橘看山免採薇

錢集

一作別山如昨日春露已  
衣采薇頻盈手看花空厭歸  
暮禽先去馬新月待開扉

霄漢時回首知音青瑣闈

謝靈運詩徇祿反窮海吳志  
陸續年六歲謁表術登筵懷

橘拜辭陸地術曰陸郎作賓客而懷橘乎續跪答之曰  
將以遺母術甚奇之史記伯夷叔齊隱於首陽山采薇  
而食之注薇蕨也爾雅云薇鼈也三秦記夷齊食之三  
年顏色不異廣志曰薇葉似萍可食利人也演繁露詩  
之言及采薇者甚多說文薇似藿藿豆也春則盛發至  
秋不萎雖雪中亦可采也采薇之詩曰薇亦作止謂春  
而苗茁也又曰薇亦柔止謂及夏而天脆也又曰薇亦  
剛止謂霜露降而苗葉堅勁也按徇祿看山二句兼四

意言雖事君而不忘親雖還鄉而非避世也謝靈運詩  
照灼爛霄漢古詩但傷知音稀漢書注青瑣門也以青  
畫戶邊鏤中楚辭注文如連瑣漢宮閤簿青瑣門在南  
宮雖易宮名有青瑣門王允傳呂布駐馬於青瑣門外  
雍錄孟康曰以青畫戶邊鏤中天子制也師古曰青瑣  
者為連瑣文而青塗也如淳曰裏青名曰青瑣天子門  
制也亦宋王之謂網戶朱繼刻方連瑣者也以朱飾之  
而紅即為朱繼以青塗之而青則為青瑣梁冀賈充第  
中皆有青瑣即是物矣爾雅宮中  
門謂之闈范雲詩攝官青瑣闈

### 留別丘為

歸鞍白雲外繚繞出前山今日又明日自知心不閒親  
勞簪組送欲趨鶯花還一步一迴首遲遲向近關

左傳  
遂伯

玉遂行從近關出歐  
陽建詩策馬游近關

送張道士歸山

太宵經周穆王遂召幽逸之人為道士太乙瑯書經人行大道號曰

道士者何理也事也身心順理惟道是從從道為士稱道士三洞道科道士有五一天真道士二神仙道士三山居道士四出家道士五在家道士

先生何處去王屋訪毛

一作茅

君別婦留丹訣驅雞入白

雲兩話人間苦難

一作若剝又作數剝

住天上復離羣

新意

當作遼

城鶴仙歌使爾聞

山海經注王屋山今在河東東垣縣漢書地理志垣有王屋山沈水所出

博物志山在東狀如垣括地志山在懷州王屋縣北十里古今地志山高萬仞方七百里本冀州河陽山也真

誥毛伯達劉道泰謝推堅張兆期後漢人學道王屋山  
共合神丹毛服之而死劉服之又死謝張不敢服捐山  
而去後見毛劉在山上二人悲愕就請道與之茯苓持  
行方服之皆數歲遊行五嶽俱仙去云晉書許邁字遠  
遊與婦書告別又著詩十二首論神仙之事中有丹訣  
白氏帖淮南王劉安得仙餘藥雞犬舐之皆飛昇後難  
鳴天上犬吠雲間神仙傳白石生曰天上多有至尊相  
奉事更苦人間耳真仙通鑑葛仙公蒙玉帝三頒錫命  
不得久住人間禮記子夏曰吾離羣而索居楚辭願離  
羣於遠舉王褒詩悽愴復離羣續搜神記遼東城門有  
華表柱忽有一白鶴集徘徊空中言曰有鳥有鳥丁令  
威去家千歲今來歸城郭如故人民非何不學仙去空  
伴冢紫雲遂上沖天仙苑編珠飛天仙人經云丁  
令威七歲入山求道千年化鶴歸鄉下華表柱頭

同崔興宗送瑗公

崔興宗詩見同詠集按公集中  
有送街藏瑗公南歸詩序云南



嶽瑗上人者常學道於五峯天寶癸巳歲始遊於  
長安秋九月杖錫南返扣門來別溟陽有曹溪學  
者為我謝之想  
此序并詩同作

言從石菌閣新下穆陵關獨向池陽去白雲留故山綻

衣秋日裏洗鉢古松間一施傳心法唯將戒定還

西京賦浸

石菌於重涯注石菌靈芝皆海中神山所有左傳管仲  
曰南至於穆陵史記索隱今淮南有故穆陵關表海圖  
穆陵關在淄州兩山間唐志沂州沂水縣有穆陵關漢  
書左馮翊有池陽縣西羌傳北地徙池陽注縣屬左馮  
翊舊唐志武德七年改雲陽為池州縣八年廢雲陽入  
池州縣唐貞觀八年廢雲陽改池陽長安志漢三輔圖  
池陽今為三原縣表叔詩交惟池陽下起信論佛祖不  
立文字以心傳心達摩傳云內傳心印圓覺經諸戒定

慧俱是梵行涅槃經佛在拘尸那城云令得增上戒定慧

### 旅次

被出濟州

河嶽英靈集題云初出濟州別城中故人正本傳云生累為濟州司倉參軍時

作舊唐書隋置濟北郡武德四年改濟州貞觀元年廢濟州入長清天寶元年改為濟陽郡乾元元

年復為

濟州

微官易得罪謫去濟川陰執政方持法明君無此心問

閻河潤上井邑海雲深縱有歸來日多愁年鬢侵

釋名濟陰

在濟水之陰也前漢書地理志濟陰故梁景帝中六年別為濟陰國宋書州郡志濟陰屬兗州括地志今曹州

有濟陰縣左傳季札謂子產曰鄭之執政侈難將至矣  
莊子子產曰且子見執政而不違前漢書翟方進持法  
刻深戰國策謂鄭王昭釐侯一世之明君也漢書司馬  
子長自序孔子之時上無明君楚辭待明君其知之皎  
然詩式有事無事第四格王維被黜詩云執政方持法  
明君無此心是也公羊傳河海潤千里莊子河潤九里  
列女傳漆室女曰吾聞河潤九里漢書郭伋傳帝勞之  
曰賢能太守河潤九里淮南子立春之後四海生雲何  
休曰河海興雲江總詩年鬢  
兩如此陸機詩後塗隨年侵

### 千塔主人

逆旅逢佳節征帆未可前  
牕臨汴河水門渡楚人船  
雞犬散墟落桑榆蔭遠田  
所居人不見枕席坐雲煙

逆旅注見

五古送別何遜詩無由下征帆史記河渠書注鴻溝即今官渡水也蓋為二流一南經陽武為官渡水一東經大梁城即鴻溝今之汴河是也輿地廣記汴河首受黃河水隋開浚以通江淮漕運兼引汴水亦曰通濟渠通志峇汴水一名鴻溝一名官渡水一名通濟渠一名莒蕩渠北征記下臨汴水是為官渡水也范雲詩軒蓋照墟落漢書光武曰收之桑榆謝朓詩桑榆蔭道周枕席注見前顏延年詩城闕生雲煙

### 使至塞上

單車欲問邊屬國過居延

文苑英華作銜命辭  
天闕單車欲問邊

征蓬出

漢塞歸鴈入胡天大漠孤煙直長河落日圓蕭關逢候

騎一作馬吏

都護在燕然

亦是不用一辭○李陵書足下昔以單車之使魏志裴潛單車之任

漢書置屬國以處匈奴降者注外國羌胡來屬漢者也  
屬國秦官典主也主歸義蠻夷漢紀昆邪王降漢置五  
屬國以處之又置金城屬國以處降羌注凡言屬國者  
存其國號而屬漢朝故曰屬國郡國志張掖居延屬國  
居延有居延澤廣志云玉門關外有居延澤居延城括  
地志居延匈奴中水名即古流沙也史記李陵深入匈  
奴二千餘里過居延匈奴傳夏驃騎將軍復與合騎候  
擊匈奴過居延吳筠詩征蓬未肯還沈約詩豈恨逐征  
蓬史記匈奴傳單于既入漢塞班固銘經磧鹵絕大漠  
李陵書出大漠之外北邊備對漢趙信既降匈奴與之  
謀畫令速度幕北以要疲漢兵故武帝欲越幕征之而  
大漠之名始通中國也幕者漢也言沙磧廣莫望之漠  
漠然也庾信詩野戍孤煙起史記匈奴傳匈奴單于十  
四萬騎入朝那蕭關候騎至雍甘泉注崔浩云候邏騎  
蕭關在安定朝那縣唐志關內道有蕭關縣括地志今  
靈武即古蕭關雍錄蕭關在原州高平縣東南三十里

孝文帝時匈奴入蕭關即此也何遜詩候騎出蕭關後漢書竇憲懼誅自求擊匈奴以贖死會南單于請兵北伐乃拜憲車騎將軍以執金吾耿秉為副大破單于遂登燕然山刻石勒功紀漢威德舊唐志燕然在迴槃縣界突厥九姓部落所處輿地要覽燕然山在今上都洛宣德府界中樂府勁虜在燕然

閨情

晚春閨思

河嶽英靈集  
題曰春閨

新妝可憐色落日卷羅

一作  
簾

帷爐氣清珍簟牆陰上玉

墀春蟲飛網戶暮雀隱花枝向晚多愁思閒牕桃李時

不俯仰刻畫甚有意味○座右賦每聚金爐  
氣謝朓詩枕簟夏含清玉墀注見五古宮闈

雜詩

劉校本與排律絕句雜詩三首並錄

雙燕初命子五桃初作花王昌是東舍宋玉次西家小

小能織綺時時出浣紗親勞使君問南陌駐香車

琴操雜曲

有雙燕雜謝桃詩風簾入雙燕鮑昭詩中庭五株桃一

桃初作花唐鄭谷詩小桃初謝後雙燕恰來時殆用公

語袁陽耆舊傳王昌為東平相散騎常侍早卒婦任城

王曹子文女昌弟式為渡邊將軍長史婦尚書令桓楷

女昌母聰明有教典二婦入門皆令變服下車不得踰

侈後楷子嘉尚魏主欲主縷衣見式婦嘉止之曰其嫗

嚴固不得倍爾不須待往犯人家法其畏如此梁武帝

詩恨不早嫁東家王好色賦宋玉曰臣東家之子增之

一分則太長減之一分則太短著粉太白施朱太赤然

此女登牆三年窺臣臣至今未許梁武帝詩莫愁十三

能織綺樂府使君邊吏間劉孝綽詩幸非使君  
問沈約詩洛陽南陌頭香車注見五古四時

### 弔輓

### 過秦皇墓

文苑英華注云時年二十一劉校本作  
十五史記二世葬始皇於驪山下銅三

泉奇器珍怪徒藏滿之令匠作機弩有穿者輒射  
之後宮無子者皆令從死為機匠者皆閉之墓中  
漢書劉向傳始皇墳高五十餘丈周圍五里有餘  
石椁為游館人膏為燈燭水銀為江海黃金為鬼  
馬數年之間外被項籍之災內罹牧豎之禍賈山  
傳始皇葬為驪山吏徒數十萬人曠日十年下徹  
三泉合采金石治銅其內漆塗其外被以珠玉飾  
以翡翠中成觀海上成山林水經注始皇營壙於  
驪戎之山一名藍田項羽入關發之以三十萬人  
三十日運物不能窮關東盜賊清椽取銅牧人取



羊燒之火延千日不能滅關中記秦始皇陵今在  
陰平縣界三輔故事始皇陵七百步起墳高五十  
丈四門施微兩京道里記陵高一千二百四十尺  
內院周五里外院周十一里俗呼當陵長安志始  
皇陵在舞馬臺下在臨潼縣東有銀  
蠶金馬以多奇物故俗云秦皇地市

古墓成蒼嶺幽宮象紫臺星辰七曜隔河漢九泉開有

海人寧渡無春鴈不迴更聞松韻切疑是大夫哀

別賦  
慚幽

宮之琴瑟恨賦紫臺稍遠注紫臺猶紫宮也天子所居  
處陰鏗詩紫臺高不極後漢天文志注日月五星謂之  
七曜通志畧七曜日月歲星熒惑填星太白辰星也燕  
丹子死懷恨入於九泉說文地有九重故曰九泉海賦  
吹炯九泉陰鏗詩長作九酒杯按史記云葬始皇驪山  
下上具天文下具地理水經注又云以銅為椁上畫天

文景宿之象下以水銀為四瀆百川具地理之勢故詩云星辰七曜隔河漢九泉開三齊畧記秦始皇作石橋欲渡海觀日出方輿勝覽回鴈峯在衡陽之南鴈至此不過遇春而回故名漢書劉向云秦始皇葬驪山黃金為鳧鴈拾遺記漢武帝元封元年日南之南有鳧鴈色如金羣飛戲於沙瀨羅者得之以獻張善考其年月即秦始皇墓之金鳧也

大夫松注見宗戚

# 恭懿太子輓歌五首

舊唐書恭懿太子侶肅宗第七十二子上元元年六月薨七

月丁亥贈太子諡曰恭懿應緣器葬所司準式仍令京兆尹劉晏充監護司使詔宰臣李揆持節冊命十一月葬於高陽原諸子傳侶生后方專受帝最憐之后數憾儲嫡欲以侶嗣會薨計塞是夕帝及后夢侶辭訣流涕去帝鯁悵故冊贈皇太子會要恭懿太子沿陵在京兆府長安縣界長安志恭

懿太子陵在高陽原城南名勝古蹟圖恭懿太子陵在長安咸寧城外其哀冊曰維上元元年太歲庚子六月乙未朔二十六日庚申皇第十二子持節鳳翔等四州節度觀察大使興王昭薨於中京內即殯於寢之西階粵八月丁亥冊贈皇子諡曰恭懿唐大詔令文苑英華並作司空李揆撰文

何悟藏環早纜知拜壁年卅天王子去對日聖君憐樹

轉宮猶出笳悲馬不前雖蒙絕馳道京兆別開阡

晉書羊祜

年五歲令乳母取所弄金環乳母曰汝先無此物祜即詣鄰人李氏東垣桑木中探得之主人驚曰此吾亡兒所失物也云何持去乳母具言之時人異之謂李氏子則祜之前身也左傳初共王無冢嫡有寵子五人無嫡立焉乃有事於羣望而祈曰當璧而拜者神所立也乃與巴姬埋璧於大庭之室使五人齋而長入拜康王跨

之靈王肘加馬子比子哲皆遠之平王抱弱而入再拜  
皆壓紐故康王以長立列仙傳王子喬周靈王太子晉  
也好吹笙作鳳凰鳴遊伊洛之間道士浮丘公接以上  
嵩高山後乘白鶴駐山頭望之不得到舉手謝時人數  
日而去天台賦王喬控鶴以冲天晉書明帝諱紀元帝  
子初元帝鎮揚州時中原喪亂有人從長安來帝問雖  
陽消息潛然流涕帝年數歲問何故具以東渡意告之  
帝因問汝意謂長安何如日遠答曰不聞人從日邊來  
只聞人從長安來居然可知帝異之明日集羣臣宴會  
復以此問明帝又以為日近帝動容問何故異昨日之  
言答曰舉頭見日不見長安以是知近帝大悅漢書成  
帝為太子初居桂宮上嘗急召太子出龍樓門不敢絕  
馳道西至直城門得絕乃度還入作室門上遲之問其  
故以狀對上大悅乃著令云太子得絕馳道應劭曰馳  
道天子所行之道也君以乘車馬故以馳為名也三輔  
黃圖按秦本紀注馳道天子道也蔡邕曰馳道天子所

行中道然漢書賈山傳曰秦為馳道於天下令無得行  
中央雍錄秦人馳道之麗賈山嘗刺其奢而不能發明  
其制黃圖曰漢甘泉去長安三百里而馳道亦綿亘其  
間也故江充為直指使者自公主以及太子家使凡行  
馳道者取其車馬而沒入之則馳道有禁尚矣黃圖云  
三塗正中一條為馳道則有禁不得橫絕漢書游俠傳  
原涉字臣先自以為前讓南陽賈送身得其名而令先  
人墳墓儉約非孝也迺大治起家舍周閣重門初武帝  
時京兆尹曹氏葬茂陵民謂其道為京兆阡涉慕之迺  
買地開道立表署曰南陽阡人不肯從謂之原氏阡長  
安志云今  
在興平縣

蘭殿新恩切椒宮夕臨幽白雲隨鳳管明月在龍樓人  
向青山哭天臨渭水愁雞鳴常問膳今恨玉京畱

漢武帝故

事王美人生武帝於漪蘭殿洞冥記景帝夢一赤彘從雲中下崇芳閣帝覺而坐於閣上果見赤氣如林來蔽戶牖乃改閣為漪蘭殿後王夫人生武帝處此則武帝初名彘也三輔黃圖椒房殿在未央宮以椒和泥塗取其溫而芬芳也武帝時後官八區增修椒風等殿哀帝時董賢女弟為昭儀居舍亦號曰椒風漢官儀皇后稱椒房取其實蔓衍盈升以椒塗室取溫煖除惡氣也鼠璞漢官儀皇后稱椒房予考之江充傳轉至未央椒房上官桀傳將軍有椒房中宮之重劉輔傳於是減省椒房掖庭用度及馬授以椒房不與雲臺之次椒房殿為皇后所居顏師古謂以椒和泥塗取其溫而芬芳椒芬香也男女相說交情好也其義恐出此離騷云播椒房兮成堂與石崇塗屋以椒不過取其芬香於蔓衍盈升初無闢涉成帝寵趙昭儀復建椒風殿以居之今列以椒風為皇后事非是顏延之宗文皇后誄蘭殿長陰椒塗弛街故公亦以蘭椒為對周禮注以尊適卑曰

臨左傳注臨哭也史記文帝詔宮殿中當臨者皆以旦  
夕漢書燕武傳注求哭曰臨文王世子朝於王季日三  
雞初鳴而衣服至於寢門之外問內侍曰今日安否何  
如內侍曰安文王乃喜其有不安節則內侍以告文王  
文王色憂行不能正履王季復膳然後亦復初又云朝  
夕之食上世子必在視寒暖之節食下問所膳蓋必知  
所進以命膳宰然後退  
庚信詩玉京閒相鶴

騎吹凌霜發旌旗夾路陳凱容金節護冊命玉符新傳  
母悲香祿君家擁畫輪射熊非夢帝稱象問何人  
宋書樂志

初獻凱容宣烈之舞隋書樂志文帝元嘉典書令奚縱  
改定有凱容宣業之舞齊代因之齊志宋建武初朝議  
以凱容舞為韶舞故志有前舞凱容歌辭後舞凱容歌  
辭至梁初猶用之通典宋改前舞為凱容今凱容執籥

翟即魏武始也周禮小行人掌達天子之六節皆以金為之後漢書金節黑漆竿上施圓盤周綴紅絲拂八層黃繡龍袋籠之王公以下皆有節制同金節韜以碧油晉起居注元帝臨軒使冊命拜晉王妃庾為皇太子隋書場帝命鄭玄為京師留守樊子蓋為東都留守俱賜玉麟符以代銅獸六典傳符之制京師留守曰玉麟符列女傳下堂必從傅母保阿樂府侯女嫁於齊太子中道太子死傅母忽有二雉俱出墓中傅母悲痛援琴史記成王少在強葆漢書注李奇曰小兒被為襁即襁也師古曰即今小兒編通作保說文襁小兒衣也晉書輿服志畫輪車駕牛以綠漆畫輪轂故名曰畫輪車自靈獻以來至士還以為常乘至尊出朝堂舉乘之宋書五行志豫州刺史劉德願善御車世祖嘗使之御畫輪隋書禮儀志梁東宮初建釋奠元旦朝會則以畫輪為副畫輪車上開四望緣油幢朱繩絡兩箱裏飾以錦黃金塗五末舊儀皇太子有畫輪車拜陵臨弔則用之史



記扁鵲傳趙簡子病不知人五日寤而言曰我之帝所  
有一熊欲授我帝命我射之中熊熊死後有當道者曰  
帝令主君滅二卿熊其祖也魏志魏太祖巨象欲知其  
斤而不可稱少子蒼舒曰置象於舟刻其水痕而以土  
覆則知其數也帝悅之

蒼舒留帝寵子晉有僂才五歲過人智三天使鶴催心

悲陽

一作四

祿館目斷望思臺若道長安近何為更不來

蒼舒子晉並注見前首晉書愍懷太子適惠帝長子母  
曰謝才人而聰慧武帝愛之宮中嘗夜失火帝登樓  
望之太子年五歲牽帝裾入閣中帝問其故太子曰  
暮夜倉卒宜備非常不宜令照見人君也由是竒之道  
經三天者清微天雨餘天大赤天也茅君傳或見一白  
鶴入帳中鶴者是九轉還丹之使班婕妤仔傷悼賦痛陽

祿與柘館今注二館名生子此館皆失之也館在上林中漢書戾太子與江充有隙會巫蠱事起充至太子宮掘得桐木人尤多太子無以自明東至湖邑自縊而死上憐太子無辜乃作思子宮為歸來望思子臺於湖顏師古曰言已望而思之庶太子之冤歸來也臺在今湖城縣之西閔鄉之東長安近注見前首

西望昆池閩東瞻下杜平山朝豫章館樹轉鳳皇城五

校連旗色千門疊鼓聲金環如有驗還向畫堂生

漢書武帝

發謫吏穿昆明池西南夷僊越嵩昆明國有滇池方三百里漢使求身毒國而為昆明所閉今欲伐之故作昆明池象之在長安西南周迴四十里食貨志時越欲與漢用船戰遂大修昆明池治樓船高十餘丈三輔黃圖上苑有昆明池周四十里荀悅云昆明子居漢河中故習水戰以伐之也西京雜記武帝作昆明池欲伐昆吾

夷教習水戰關中記昆明中有靈沼神池云堯時理水  
訖停舟此池漢代因而深廣耳漢書注下杜即今之杜  
城三輔黃圖長樂宮在城中近東直杜門其南有下杜  
城水經下杜城即杜伯國也又北與昆明故池會長安  
志漢宣帝時修杜之東原為陵曰杜陵縣更名此為下  
杜城廟記曰下杜城杜伯所築東有杜原城在底下故  
曰下杜屬長安縣觀此則昆明池下杜城正東西相望  
而太子之墓居其中也雍錄既有杜陵縣則遂改杜縣  
為下杜以別之或言杜縣之東有杜原而此之下杜在  
其下方故以杜名此全不審也凡世之名地而分上下  
者以水之上游下流而言之也今杜縣正在杜陵之西  
故杜陵遂為杜縣上流而杜縣又名下杜也沈約詩西  
望昆明池南瞻儲胥觀句頗相類漢宮殿名曰長安有  
豫章觀三輔黃圖上林有豫章觀索隱曰昆明池有豫  
章觀豫章地名以言將出軍於豫章也西都賦集乎豫  
章之館臨乎昆明之池東都賦注皆豫章木為臺館也

趙訪注鳳皇城為京兆也戰國策秦昭王使五校大夫  
王陵將而伐趙注集韻校本為欄格也軍部及養馬用  
之故軍尉馬官以為號後漢書諸侯王列侯始封貴人  
公主薨近臣中黃門持兵虎賁羽林郎中四者皆嚴宿  
衛宮府各警北軍五校繞宮屯兵漢書霍光薨發材官  
輕車北軍五校士軍陣至茂陵送葬百官志屯騎越騎  
步兵長水射聲五校尉皆掌宿衛兵晉書職官志五校  
並漢官也通志畧五校並屬北軍輿服光麗伎巧必給  
故多以皇族肺腑居之自魏晉以下五校之名與後漢  
同唯後魏五校各置二十人金環注見前首漢書帝在  
太子宮生甲觀畫堂應劭曰畫堂畫九子母顏師古曰  
畫堂但畫飾耳豈必九子母乎霍光止畫室中是則宮  
殿中通有采畫之堂室漢宮殿疏曰未央宮有畫堂甲  
觀非常室三輔黃圖太子宮有甲觀畫堂謂宮殿中彩  
飾畫之

故太子太師徐公輓歌四首

舊唐書太子太師已上職事官從第一品

百官志太子太師太傅太保各一人從一品掌輔導皇太子按玄宗本紀天寶八載太子太師徐國公蕭嵩薨意即其人也觀唐人稱張說為燕文貞則凡稱前輩亦可用國諡也

功德冠羣英彌綸有大名軒皇用風后傳說是星精就

第優遺老來朝詔不名

文苑英華注云疊押名字

留侯常

一作嘗

辟穀

何苦不長生

周易故能彌綸天地之道運命論行足以應神明而不能彌綸於俗五帝紀軒轅姓

公孫舉風后列子黃帝夢遊華胥之國既寤以所夢風后為黃帝之相注風后黃帝三公也世紀黃帝夢大風吹天下之塵垢皆去帝悟而歎曰風為號令執政者垢去土解清治者天下豈有姓風名后者哉於是依夢占

而求之得風后於海隅登以為相莊子傳說乘東維騎箕尾而比於列星前漢書杜延年以老病乞骸骨天子優之賜安車駟馬罷就第張禹傳禹以老病乞骸骨上嘉優再三罷就第以列侯朝朔望位特進見禮如丞相魏志曹爽錄尚書事賜劔履上殿入朝不趨贊拜不名張良傳即杜門導引不食穀

謀猷為相國翊贊奉乘

一作宸

輿劔履升前殿貂蟬託後

車齊侯疏土宇漢室賴圖書僻處畱田宅仍纔十頃

一作

晦

餘

毛詩我視謀猷晉書陳騫傳方賴謀猷左傳僖負羈之妻曰吾觀晉公子之從者皆足以相國晉書

職官志相國秦官也續輿服志漢承秦制御為乘輿晉書輿服志臨軒大會則陳乘輿史記高祖令蕭何帶劔履上殿入朝不趨晉書何曾為太傅詔令劔履乘輿上殿如漢相國蕭何田千秋鍾繇故事隋書禮儀志蔡謨

議云大臣優禮皆劔履上殿非侍臣解之自王公以下  
非殊禮引升殿皆解而後升後漢書侍中常侍加黃金  
璫附蟬為文貂尾為飾注蟬居高飲潔口在腋下貂內  
勁捍而外溫潤此因物生義史記文王至渭水見太公  
因與之語見其賢乃與同載而歸以父師禮之毛詩命  
彼後車齊侯借桓公管仲事比之國語管子曰正封疆  
南至於陶陰西至於濟北至於河東至於紀鄗史記點  
布傳疏爵而貴之注疏分也毛詩爾土宇版章東京賦  
武有大啓土宇漢書劉子雅受詔開啓土宇以支百世  
史記沛公至咸陽蕭何先入收秦丞相御史律令圖書  
藏之漢王具知天下戶口阨塞多少強弱之處民所疾  
苦者以何具得秦圖書也又何置田宅必居窮僻處為  
家不治垣舍曰令後世賢師  
吾儉不賢毋為勢家所奪

舊里趨庭日新年置酒辰聞詩鸞渚客獻賦鳳樓人北

闕辭明主東堂哭大臣猶思御朱輅不惜汙車茵

史記漢諸

侯羣臣朝十月竟朝置酒注漢時尚以十月為正月故

行朝歲之禮傅咸詩雙鸞游蘭渚注鸞離喻王何也蘭

渚喻中書也曹植詩夕宿蘭渚梁書羅紹威取魏良材

作五鳳樓周翰有五鳳樓賦鮑昭詩鳳樓十二重北闕

注見七古詠懷漢書國家同姓王公妃主發哀於東堂

魏志中山王袞疾敕令營北域曰亟以時成東堂名之

曰遂志之堂東堂亦臨幸延見之處如晉司馬孚薨帝

於太極東堂舉哀是也漢書祭遵傳車駕素服臨之望

哭哀慟如宣帝臨霍光故事玉海宋璟傳會百官尚書

省東堂乃唐東堂也漢書丙吉馭吏嗜酒嘗從吉出醉

嘔丞相車上西曹主吏白欲斥之吉曰以醉飽之失去

士使此人將復何所容西曹第忍之此不過汙丞相車

茵

耳



久踐中台座終登上將壇誰言斷車騎空憶盛衣冠風

日咸陽慘笳蕭渭水寒無人當便闕應罷太師官

周禮疏中

台司中為司徒晉書天文志三台六星兩兩而居西二  
星曰上台為司命次二星曰中台為司中東二星曰下  
台為司祿又云西近文昌次二星曰中台為司中主宗  
室晉書天文志四輔下第一星上將也史岑頌乃拜上  
將傅休奕惟漢行屠狗登上將李商隱詩造化中台座  
威風大將壇語正做此唐禮樂志凡歌蕭笳工各二十  
四人鏡鼓十二歌蕭笳次之曹植詩笳蕭發音於後宋  
之問輓詩日慘咸陽樹天寒渭水橋又白居易輓詩雲  
日添寒慘笳蕭向晚悲與公聯顏合晉書職官志太傅  
太保皆為上公無其人則闕百官志三師天子所師法  
無所總職非  
其人則闕

故西河郡杜太守輓歌三首

舊唐書杜祐傳祐父希望歷鴻臚卿恒州

刺史西河太守贈右僕射

天上去西征雲中護北平生擒白馬將連破黑雕城忽

見芻靈苦徒聞竹使榮空留左氏傳誰繼卜商名

通志畧光

武建武年以馮異為征西大將軍馬融傳征西將軍馬賢討羌又征西將軍夏陽侯馮異於時張達皇甫嵩劉尚鄧艾馬騰魏延馬超俱為之史記李廣嘗為雲中太守後召拜為北平太守前漢書胡騎有白馬將出護其兵李廣上馬與十餘騎奔射殺胡白馬將而復還注將之乘白馬者也史記李將軍射雕注雕大鵞鳥一名鷲黑色翻可為箭婢雅曰雕能食草似鷹而大黑色俗呼阜雕禮記塗車芻靈自古有之明器之道也注芻靈束茅

為人馬謂之芻靈神之類釋名芻靈束草為人馬靈名之也史記文帝初與郡守為銅虎符竹使符應劭曰竹使符以竹箭五枚長五寸鐫刻篆書第一至第五張晏曰符以代古之珪璋從簡易也師古曰與郡守為符者謂各分其半右留京師左以與之漢書杜公君疏舊制發兵皆以虎符其餘徵調竹使而已禮儀志百官哭臨下竹使符告郡國二千石諸侯王竹使符到皆伏哭盡哀晉書杜預為春秋左氏經傳集解又參考衆家譜策謂之釋例又作盟會圖春秋長厯武帝聞而謂預曰卿有何癖對曰臣有左傳癖文獻通考毛詩之出也自以源流得於子夏釋碩人黃鳥皇矣與左氏合且左氏等書漢初諸儒皆未見而毛詩先與之合不謂源流子夏可乎釋文舊說云大序是子夏作小序是子夏毛公合作卜商意有未盡毛更足成之隋志先儒相承謂毛詩序子夏所創毛公及衛敬仲更加潤色容齋續筆子夏於春秋所云不能贊一辭蓋亦嘗從於此矣公羊高實受

之於子夏殺梁赤者風俗通亦云子夏門人

返葬金符守同歸石窀棲卷衣悲畫翟持筭待鳴雞容

衛都人慘山川駟馬嘶猶聞隴上客相對哭征西

禮記太公

封營丘比及五世皆返葬於周金符注見前毛詩同歸

於穴石窀注見五古傷歎禮記捲衣投於前注乃卷歛

此衣自前投而下謝朓哀冊筵卷六衣禮記周人牆置

筭注筭形似扇木為之在路則障車入椁則障柩釋名

筭齊人謂扇為筭此似之也象筭扇為清涼也筭有翮

有畫各以其飾名之也庾信詩南宮容衛疏毛詩彼都

人士漢書禮儀志太僕立乘四馬先駟博物志漢勝公

夏侯嬰死送葬至東都門外駟馬不行伏地悲鳴漢書

耿秉傳章和二年復拜征西將軍匈奴聞秉卒舉國號哭或至黎面流血

匈奴聞秉卒舉國號哭或至黎面流血

塗芻去國門祕器出東園太守留金印夫人罷錦軒旌

旌轉哀木簫鼓上寒原墳樹應西靡長思魏闕恩

釋名塗車

以泥塗為車也芻靈束草為人馬也禮記天子祭七祀有國門周禮天子九門四曰國門馮紘傳詔策曰已命有司祖於國門楚辭出國門而軫懷容齋隨筆漢書百官表將作少府掌治宮室屬官有東園王章注云章謂大材也王章掌大材以供東園大匠霍光傳元帝之喪賜東園溫明祕器服虔曰東園處此器以鏡置其中以縣尸其上師古曰東園署名也屬少府其署主作陵內器物董賢傳東園祕器以賜賢孔霸薨再賜東園祕器蓋勳卒董卓表賜東園祕器後漢陰皇后紀新野君薨贈以長公主東園祕器漢書禮儀志東園武士奉下車漢舊儀東園祕器作棺漢書音義祕器棺也以朱砂畫之隋書禮儀志州刺史銅印黑綬郡國太守相內臺銀

章龜紐蓋銀乃五金之屬故於太守印章亦謂之金印  
漢書西域傳馮夫人錦車持節注錦車錦衣車也冢墓  
記東平王歸國思京師後薨葬東平其冢上松栢皆西  
靡劉孝標書東平之樹望咸陽而西靡王褒詩西靡傷  
新樹周禮注鄭司農云象魏闕也故魯災季桓子御公  
立於象魏之外莊子中山公子牟曰心居魏闕之下

### 故南陽夫人樊氏輓歌

錦衣餘翟第繡轂罷魚軒淑女詩長在夫人法尚存凝

笳隨曉旆行哭向秋原歸去將何見誰能返戟門

毛詩  
翟第

以朝注夫人以翟羽飾車左傳注夫人車以魚皮為飾  
毛詩窈窕淑女注淑善也女者未嫁之稱蓋指文王之  
妃太姒為處子時而言也周禮銜枚氏禁行歌哭於國  
中之道者禮記文伯卒內人皆行哭失聲王儉褚淵碑

齊君趨車而行哭晉書王濬嘗起宅開門前路廣數十步曰吾欲容長戟旛旗衆咸笑之隋志三品以門皆列戟唐制勳至上柱國則列戟以表門戟通作棘唐書景龍三年七月皇后表請婦人不因夫子而加邑號者請同見任職事官門施祭戟故公落句稱戟門云

### 達奚侍郎夫人寇氏輓歌二首

文苑英華上有禮部二字唐書揚國

忠傳國忠子暄舉明經不中禮部侍郎達奚珣遣子撫往見國忠國忠熟語曰生子不富貴邪豈以一名為鼠輩所賣珣大驚即致暄高第崔器傳器奏陷賊官並合處死惟達奚珣斬於獨柳樹下按孫逖集有授達奚珣為禮部侍郎制云中書舍人權知禮部侍郎上騎都尉達奚珣峻節彌高清標不雜可中散大夫守禮部侍郎勳封如故

東帶將朝日鳴環映牖辰能令諫明

一作皇

主相勸

一作助

識賢人遺挂空留壁迴文日覆塵金蠶將畫柳何處更

知春

東帶注見五古送別左傳晨起盛服將朝江總六宮謝章遂失鳴環之節列女傳楚莊王樊姬者楚

莊王之夫人也王嘗聽朝而罷晏樊姬曰何罷之晏也王曰今與賢者語樊姬曰王之所謂賢者諸侯之客與將國中士也王曰虞丘子也樊姬掩口而笑曰今夫虞丘子之相楚十餘年矣其所薦者非其子孫則族昆弟未嘗聞其進賢而退不肖夫知賢而不進是不忠也若不知賢是無知也豈可謂賢哉潘岳詩遺挂猶在壁注謂平生玩用之物尚在於壁晉書竇滔妻蘇氏名蕙字若蘭滔符堅時為秦州刺史被徙流沙蕙思之織錦為迴文旋圖詩以贈滔宛轉循環以讀之辭甚悽惋凡八百四十字別賦迴文詩兮影獨傷三輔故事始皇陵有



金蠶三十箔齊書始興王得古冢器金銀為蠶形者數  
斗金樓子論葬曰金蠶無吐絲之實兩漢博聞永嘉發  
齊桓公墓得水銀池金蠶數十箔今公詩中稱金蠶意  
當時殉葬者有此物或借始皇等事比之也杜陽編彌  
羅國有蠶可長四寸其色金其絲碧謂之金蠶燕間錄  
南方富金蠶食以蜀錦取其糞能毒人蠶能致他財但  
遣之枉難按此二說則當時實有是金蠶或夫人生前  
用此服御故公言及之耳檀弓注牆柳依畫雲氣柄長  
五尺車行使人持而從職官志

凡職事官薨卒有賻贈柳妻

女史悲彤管夫人罷錦軒卜瑩占二室行哭度千門秋

日光能淡寒川波


一作浪

自翻一朝成萬古松栢暗平原

周禮女史掌王后之禮書內令注亦如太史之於王也  
毛詩貽我彤管注古者后夫人必有女史彤管之法不

記其過其罪殺之彤管以赤心正人也後漢書注彤管  
赤管筆也古今注牛亨問彤管何也答曰彤赤漆耳史  
官載事用赤管言以赤心紀事唐六典彤史二人正六  
品西溪叢語徐安道注音辯云彤赤漆也管謂笙簫之  
屬按詩注云煒赤貌箋云彤管赤管也疏必有赤者欲  
使女史以赤心正人謂赤心事夫人正妃妾之次第也  
後漢書皇后妃序云女史彤管記功書過左氏傳靜女三  
詩雖說美女義在彤管女史記事規誨之所執不  
管於遺詠左傳齊侯戍曹歸夫人魚軒重錦三十兩注  
重錦錦之熟細者二室注見五古獻贈意夫人之瑩卜  
吉於二室也行哭注見前任昉詩一朝萬化盡春秋舍  
文嘉天子墳高三仞樹以松諸侯半之樹以栢梁  
州記諸葛武侯墓松栢麗空七哀詩唯覩松栢陰

王右丞詩集卷五



總校官庶吉士臣張能照

校對官助教臣吳省蘭

謄錄舉人臣張賦京